

सानसेयारि "बड'सा" खरीलाइयाव समाज्यादि जिउजों लोब्बा थावाय रायथाय, खन्थाय, सल', सल'बाथा आरु दावबायारि थावनि, पार्क बाइदिनि सायाव लिर्नाय लिर्बिदां दैथाय हर/सानसेयारि "बड'सा" खरीलाइया खेबरानावै फोसावगोव।

बड'सायाव लिर्हरनायनि हुबा खालाम, "बड'सा" खरी नोथां, जों बयबो आंगो खालाम।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Tuesday ★ 14 September, 2021 Kokrajhar, BTC, Assam ★ Vol.- 31, Issue No. 170 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

सा-सान्जानि दावबायनाय आरु हारिमुवारि मन्थिफोरनि जथुम्मा सा-सान्जानि दावबायनाय नांगौ बायदि जौगाखांहोनायनि शार्थआव 'ब्रेन्ड नर्थ इष्ट' बिमुंजों फोसावनांगोन: ड० हिमन्त बिश्व शर्मा

दिसपुर, 13 सेप्टेम्बर: आसामनि गिबि मन्थि ड० हिमन्त बिश्व शर्माआ दिने गुवाहाटीनि हटेल रेडिसन ब्लुआव खुंफुंजानाय सा-सान्जानि दावबायनाय आरु हारिमुवारि मन्थिफोरनि जथुम्मायाव गाहाय आलासि महरै बाहगो लाफेदों। भारत सरकारनि दावबायनाय बिफाननि बान्जायनायाव खुंफुंजानाय साने नाइँ बे जथुम्मानि सेथि आबुं जथुम्मायाव मिरुवारि दावबायनाय, हारिमु आरु सा-सान्जा जौगाखां बिफाननि मन्थि जि किसान रेडि, मिरुवारि हारिमु आरु संसदयारि अन्साय



बिफाननि राज्ज्योयारि मन्थि अरुन राम मेघवाल आरु मिरुवारि दावबायनाय आरु रेखाथि बिफाननि राज्ज्योयारि मन्थि

अजय पातोमोनाहो नुजाथि फेदोंमोन। दिनेनि बे हाबाफारियाव नुजाथि फेना गिबि मन्थि ड० हिमन्त बिश्व

शर्माआ बुंथियोदि, सा-सान्जानि गासैबो जौगानायनि थाखाय हारिमु आरु दावबायनाय -बे मोनै बिथिडा जावाय जर'खा

गोनांथि होनो गोनां आयदा। गिबि खेबनि थाखाय मिरुवारि मन्थि आफादआव सा-सान्जा जौगानाय बिफाननि बिबान मोन्नाय मन्थिफोर दावबायनाय आरु हारिमु बिफानाबो बिबान मोन्नाया बे बिथिडाव ओन्सोलनि थाखाय मोनसे मोजां खाबु होन्ना बुंथिनाने मिरुवारि मन्थि जि किसान रेडिनि मोजां दैदेन्नायाव सा-सान्जानि हारिमुवारि बिथिं आरु दावबायनाय उद्यगआ जौगाखांनायनि मोनसे गोदान बिजों सोरजिनो हागोन होन्ना गिबि मन्थिआ मिजिं

आसाम बिधान सभाया थिसन्नाय नायबिजिर कमिटिनि सा 6 एम एल ए फोरा सि आइ टि आरु एन टि पि सिआव नायगिदिफेदों



कक्राझार, 13 सेप्टेम्बर: आसाम बिधान सभानि सा 6 एम एल ए फोरखों लानाने दाजानाय नायबिजिर कमिटिनि थान्दै हान्जाया दिने बि टि सिनि कक्राझार जिल्लानि बालागावआव थानाय सि आइ टि आरु सालाकातिआव थानाय बडइगाव एन टि पि सिआव नायगिदिहैयो। कक्राझारनि सान्जा बिधान सभा बियाबनि इड पि पि एल नि एम एल ए

लरेन्स इस्तारीनि दैदेन्नायाव दावबायफेनाय थान्दै हान्जायाव फारियै- नगाव सदर बियाबनि

एम एल ए रूपक शर्मा, तेजपुरनि पृथिवराज राभा, तिनिसुकियानि सुरेन फुकन, हजाइनि सिबु मिश्रा आरु सिदलीनि एम एल ए जयन्त बसुमतारीमोनहा दंमोन। कक्राझाराव दावबायफेनाय आसाम बिधान सभानि सा 6 एम एल ए फोरनि थान्दै हान्जाया गुवाहाटीनिफ्राय फेनाने थोंजोडै बि आइ टिनि बिबानगिरिजों सावरायलायनानै

गुजरातनि 17 थि गिबि मन्थि महरै भुपेन्द्र पाटेलआ समायखिरा लाबाय, गाहाय मन्थि - नख'र मन्थिआ हामब्लायथि हरदों



आहमदाबाद, 13 सेप्टेम्बर: गावनि हेफाजाबगिरिफोरनि गेजेराव दादा मुंजों मिथिसार जानाय भुपेन्द्र पातेला दिने गुजरातनि 17 थि गिबि मन्थि महरै राज भवनाव समायखिरा लाबाय। गुजरातनि गिबि मन्थि मासिनि समायखिरा लानायाव हादतनि गाहाय मन्थि नरेन्द्र

मदिआ भुपेन्द्र पातेलाखों हामब्लायथि हरो। गाहाय मन्थिआ दुइतराव बुंथिदोंदि, आं बिखों गोबां बोसोनाडैनिफ्राय मिथियो आरु आं बिनि मोजां खामानिफोरखों नुदों, जेराव बियो भाजपा आफादआवनो जाथों एवा नोगोरारि खुंथाय

तामुलपुरआव आइजोनि जिउ खहा



तामुलपुर, 13 सेप्टेम्बर: तामुलपुर महकुमानि सापकाता गामिनि थागिबि साखोर बर'नि बिसि अगि बर'आ (60)आ दिने पुंनि 5.30 रिंगासो सोमाव जोबथा हां बोयो। मिथिनाय बादिब्ला

तामुलपुरआव गिखंथाव लामानि जाब्रबथायाव सासे सुबुनि जिउ खहा

तामुलपुर, 13 सेप्टेम्बर: बाक्सा जिल्लानि तामुलपुर महकुमानि सिडाव थानाय बाल्थिं दैसानि सायाव लुफुंनाय दालानि रेलिडाव ए एस 01 इ जे 6304 नम्बरनि एफ जेड मटर साइकेलआ

माहारियारि गाइखेर जौगाखां परिसदजों गिबि मन्थिआ गोनांथार सावराय जथुम खुंदों

गाइखेर खोन्दोआव बेरेबेन खोदोनायनि सायाव गिबि मन्थिआ गोनांथि होवें

दिसपुर, 13 सेप्टेम्बर: राज्ज्योनि गाइखेर दिहुनगिरिफोरनि रांखाथिथयारि थासारिखों फोजौनो आरु बे खोन्दोखों फालांगिमहैरै दावगाहोनायनि थांखिजों दिने गिबि मन्थि ड० हिमन्त बिश्व शर्मानि मासि सामब्लायनायाव माहारियारि गाइखेर जौगाकां परिसद (एन डि डि बि) नि गागि बिबानगिरिफोरजों जनता भवनाव थानाय गिबि मन्थिनि सावराय न'मायाव मोनसे गोनांथार सावराय जथुम खुंफुंलाडे। जथुमाव एन डि डि

रन्जित खेरकातारिआबो भवानिपुर बिधान सभा बियाबनि उफ्रा बिसायख'थियाव टिकेटनि दाबिदार

बड'सा थान्दै/बाक्सा, 13 सेप्टेम्बर: आसामआव मोन 5 नि बांसिन बियाबफोरव उफ्रा बिधान सभा बिसायख'थिया खुंजानो थांगासिनो हिसाबे दासान्दि खुंजानो गोनां बियाबफोरव मोनसे राज्खाथि हान्जानिफ्रायनो सानै-साथाम



बिजाथि जानो हास्थायनाय एवा टिकेटनि दाबिदार जागासिनो थानायखों नुनो मोन्दों। गुबुन बियाबफोरजों लोगोसे भवानिपुर बिधान सभा बियाबनि बारा' एम एल ए फनिधर तालुकदारा ए आइ इड डि एफ हान्जाखों

विजयसिं नारायण ब्रह्मसारिनि 75 थि थैनाय सान फालिदों

गसाइगाव, 13 सेप्टेम्बर: कक्राझार जिल्लानि गसाइगाव महकुमानि सिडाव थानाय अन्थायबारियाव थानाय अमृतपुर ब्रह्म सेवाआसामनि गायसनगिरि बिजयसिं नारायण ब्रह्मसारिनि 75 थि थैनाय सानखों दिने फालिनाय जादों। आसाम लांगोनायाव खुंफुंजानाय हाबाफारि बायदियै फुंनि 9.00

रिगायाव जयसावो आसामनि गाहाय आफादगिरि पानिन्द्र लाहारिआ। बेनि उनाव 11.00 रिंगायाव गेदेमा बिजयसिं नारायण ब्रह्मसारिनि जिउनि सोमोन्दै सावरायलायनाय मेल खुंनाय जादों। आसामनि आफादगिरि गणेस चन्द्र हाज'वारिनि आफादगिरिनि

पषन दान 2021 जों लोब्बा लाखिनानै उलुवारिआव सांग्रंधियारि मेल खुंदों



तामुलपुर, 13 सेप्टेम्बर: राज्ज्योनि समाज अन्साय बिफाना 1 सेप्टेम्बरनिफ्राय राज्ज्योनि मोनफ्रोमबो ओन्सोलाव थानाय अंगनबादि मिरुफोरनि गेजेजों गथ'सा आरु गोखोआव गथ' गोनां आइजोफोरनि सावस्त्रिखों रेखाथि होनायनि साथिआव पषन दान 2021 खों फालिनाय जादों। पषन दानजों लोब्बा

काशिकत्रायाव श्रीश्री दुर्गा फुजा खुंफुंगोन, बान्जाय आफाद दाबाय

बासुगाव, 13 सेप्टेम्बर: चिरां जिल्लानि सिडाव थानाय काशिकत्रायाव 70 थि दुर्गा फुजा फालिनो थाखाय लाहार-फाहार जादों। बेखों लानाने मोनसे बान्जाय आफाद दाफुंनाय जाबाय। जेराव दिपेन बर्मनखों आफादगिरि, उत्तम बर्मनखों लेडाइ आफादगिरि, लातुम बर्मनखों गाहाय नेहाथारि, तिकु बर्मन आरु राहुल बर्मनखों लोगो गाहाय नेहाथारि, मृतुन्जय बर्मन आरु लक्ष्मी बर्मनखों जुथाय नेहाथारि, तपन कुमार बर्मन, मितुन बर्मन मोनखों

रांखाथि, बिजन बर्मन आरु जयदेब दत्तमोनखों हिसाब खालामग्रा आरु किरण चन्द्र बर्मन, गौतम घसाल, चितरन्जन बर्मन, सान्द' सरन, अरुप बसुमतारि, प्रेमांसु बर्मन, गणेस बर्मन, सितरन्जन बर्मन, सपन बर्मनमोनखों बोसोनगिरि महरै लाना गोखोंथार बान्जाय आफाद दाफुंनाय जादों होन्ना सुलुडाव मिथिनो मोन्नाय जादों। मख'नो

आसाम बिजेपिआ राज्ज्योनि मोन 12 जिल्लानि थाखाय गोदान आफादगिरिफोरनि मुं फारिलाइ फोसावबाय

राजकुमार ब्रह्मआ कक्राझार जिल्लानि गोदान आफादगिरि



कक्राझार, 13 सेप्टेम्बर: आसाम प्रदेश भारतीय जनता पार्टीआ राज्ज्योनि मोन 12 जिल्लाफोरव सिगांनि थाखायाव आफादगिरिफोरखों सोलायानाने गोदान आफादगिरि सायख'फिनबाय। मोन 12

जिल्लाफोरनि गोदानै सायख'जानाय आफादगिरिफोरनि मुं फारिलाइखों दिने बिजेपिआ फोसावो। बेबायदिनो कक्राझार जिल्लानि थाखायबो सिगांनि आफादगिरि बिबुति बरायारिनि जायगायाव राजकुमार ब्रह्मखों गोदान आफादगिरि महरै सायख'थो। दिने फोसावनाय मोन 12 जिल्लाफोरनि गोदान आफादगिरिफोर जादों फारियै बरपेटा जिल्लायाव अनिल कुमार चन्द्र दास, बाक्सा जिल्लायाव सरं शर्मा, बिस्वनाथ जिल्लायाव पंकज बरा, काछार जिल्लायाव बिमलेन्दु राय, चिराडव रित्तु कुमार दास, कक्राझार जिल्लायाव राजकुमार ब्रह्म, सिबसागड जिल्लायाव मयुर बराहाय, सनितपुर जिल्लायाव बातास उरों, खोला सालमारा मानकासार जिल्लायाव अदिर चन्द्र दास,

बशिष्ठश्रम मन्दिरनि मेल जथुमसालिनि गोदानै लुफुंफिन्नायनि अन्थाय खाम्फा गायसन्दों

दिसपुर, 13 सेप्टेम्बर: गुवाहाटीयाव थानाय जारिमिनारि बशिष्ठश्रम मन्दिरनि गुदि बिथाखों गोखों खालामनाय थांखिनि बाहगो महरै आसामनि गिबि मन्थि ड० हिमन्त बिश्व शर्माआ दिने आश्रमनि मेल जथुमसालिखों फिन लुफुंफिन्नायनि अन्थाय खाम्फाखों गायसनो। मख'नो गोनांदि, गागि समाज सिबियारि

अनुपम शर्मा आरु प्राग निउज टिभि चनेलनि गाहाय सामलाय बिथोनगिरि ड० सन्जिब नारायणमोनहा बे मेल जथुमसालिखों फिन लुफुंफिन्नायनि बिबानखों लायो। गिबि मन्थि ड० हिमन्त बिश्व शर्माआ लोगोसेयैनो बशिष्ठ भुतनाथ गोथै सालिनि कालि मन्दिरनि लांगोनायाव प्राग निउजनि गाहाय सामलाय



बिथोनगिरि सन्जिब नारायणनि मोनसे फिसा फुखिजों लोगोसे सामलायनायाव जौगाखां होनाय

सुजुगिरिनि खोलोम

बिफां लाइफांफोरखौ फोजोबसांनाया सुबुं समाजनि मोनसे गिदित जेंना

सुबुं समाजाव मोनसे हुदाखौ अरायसम नुनो मोनो, बेनो जाबाय हाग्रामा एवसांनाय आरो दंफां दानसांनाय। गामिनि सुबुंफोरनि बाश्राल' नडा टाउन सहरनि सुबुंफ्राबो सुबिदा लाना हाग्रामाआव हाबहैना दंफां दानना लाबोनाय आरो गुबुन्नो फानहरनाय हुदाखौ गोदो गोदायनिफ्रायनो नुबोगासिनो दड। दिनेसिमबो सुबुं समाजाव बेनि गोथोयै रोदा सुनाय हुदाखौ नागारनो हायाखै।

मानासनि सुबुंफोरनि बाश्राल' नडा, जिउ जुनार दाउसिन दाउला, एमफौ एनला बयनिबो थाखाय हाग्रामा, दंफां लाइफांनि गोनांथार। जिउ जुनाराबो हाग्रा बंग्रा, दंफां लाइफां नडाबा जेरै थाउरिनो हाया, मानसि माहारियाबो जिउ खांनो हाया। मिथिंगानि सोर्जिनयनि मादाव दंफां लाइफां, हाजो-हाला, दैसा दैसा, दैमु बाइदिसिना नडाबा जिउ जुनातफ्रा दसेनि थाखायब्लाबो थांना थानो हाया। हाग्रा बंग्रा, दैसा दैमु गैयाबा बुहुमनि आबहावाआबो जिउ जिराद थांना थानो हायै बाइदि गुबुंले जागोन।

सुबुं समाजा दंफां लाइफांनि सायाव जेरै बाइदि सोनारो बेखौ साननो रोंब्ला हाग्रा बंग्रानि सायाव बे रोखोमनि अनागार अत्यासारा जानाय नडामोन। हाग्रामाआव दंफां लाइफांनि अनगायैबो गोबां रोखोमनि जुनार, दाउसिन दाउला, एमफौ एनला, मैंग मैला, थायो। गसिबखौबो मानसि माहारिनि गोनां जिउ खांनायाव नांगौ। सुबुं समाजा नांगौखौल' मिन्थिनो रोंबाय नाथाय, बेफोर गोनां मुवाफोरखौ रैखा खालामनो दासिमहालागै सोलोडाखिसै मानो? मोनसे सोंनाय कैयो, दंफां लाइफांखौ दानसांना सोलोंनो हागौबा, बेफोरखौ गायनो सोलोंनो मानो रोदिया? गोदो गोदाय आबै आबौमोननि बिबै बिबौफ्रा गायना गालांनाय दंफां लाइफांफोरखौ हागौमानि जों दानसां जोबबाय जाय जेरै हागौ एरै। हाग्रामा गैयालाय जिउ जुनार, दाउसिन दाउलाफ्रा थानो जायगा मोनैलाय गामि गामि हाबफैना बुथारजाबाय। कम्पिउटार, इन्टारनेट मुगानि सुबुंफ्रा सानखांनो रोडाखिसै जों थानो जेरै न'बां नांगौ, जुनारफोर थानोबो हाग्रामा नांगौ। बिफां लाइफांफोरखौ फोजोबसांनाया सुबुं समाजनि मोनसे गिदित जेंना। जौनि जायगाआव जा जालांवाय जालांवाय, इयुन जोलैफोरनो दंफां लाइफांनि गोनांथिनि सोमोन्दै मोजाडै गियान होनांगोन आरो बेफोरखौ माबै गायनांगौ, फोथांनांगौ, फेदेरनांगौ, राहोनांगौ, आरो माबै रैखाथि होनांगौ, गोथोयै फोरोंनांगोन, मिन्थिनोनांगोन, दंफां लाइफां, हाग्रामा थायाब्ला जोंबो थाना थानो हानाय नडा बे बुहुमाव।

दिनेनि फानजामुधि

राशि बाइदियै मुंनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : तर वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ब झ)

- मेष:** माखौबा लानानै बिसि फिसाय नांलायनाय जानो हागौ। जेखि-जाया गोसो हमथानांगोन।
- बृष:** गोसोआव मानिबा गिनय सोमजिखांनो हागौ। गोसोखौ लोरबां खालामनो नाडा।
- मिथुन:** जेरैबो जोंगा मोगा साजायनायै थानो हागोन। फारफोमथिबो मोजां।
- कर्कट:** जेखि मावा फालागिआव रां मुलाम्फा खालामनो हागोन। दिनेनि सानआ मोजां।
- सिंह:** बादायलायनायाव जेन्नो हागौ। जेखि बादया सांग्राडै बादायनांगोन। बादायारिनि थाखाय गात्रि सम।
- कन्या:** नखर संसाराव दुखुआ बांनो हागौ। विमानि सुखुआ गोमालांनो हागौ।
- तुला:** मोजां खामानि मावनायनि मोजां फिथायखौ मोन्नो हागोन। गोजोन्नायखौ मोन्नो हागोन।
- वृश्चिक:** मानिबा जाहोनाव रां खावरिया जोबसांना हागौ। गोसोखौ गात्रि मोनखांनो हागौ।
- धनु:** गोसोनि सान्नायखौ जै जाहोन हागोन। फारफोमथिबो मोजां।
- मकर:** माबा मोनसे मुवा गोमाबायनो हागौ। गोसोखौ सान्ति मोन्नाय नडा।
- कुम्भ:** रंजानाय-बाजानायजों समखौ बारहोनो हागोन। फारफोमथिबो गोजोन्नायखौ मोनगोन।
- मीन:** गोबावनिफ्राय नाजाबाय थानाय खामानिखौ मोन्नो हागोन। गोसोखौ गोजोन मोनगोन।

साफ्रोमबो आंगनबाड़ी मावसुमाफोरनो बीमा पलिसि जगायना होगोन मदि सरकारा : स्मृति इरानी

इम्फल, 13 सेप्टेम्बर : मणिपुरनि महेरेआव मिरुनि मन्थि स्मृति इरानीया बुंदों, भारत सरकार साफ्रोमबो आंगनबाड़ी मावसुमाफोरनि थाखाय बीमा पलिसि जगायना होगोन। आजादी का अमृत महात्सव' नि गेजेरजों फालिना न्युट्रिसन दान' याव मिरुनि आइजो आरो उन्दै गथ' जोगाखां मन्थिया इरानीया मोनसे हाबाफारियाव बाहागो लानानै बे बाश्राखौ बुडे। बे हाबाफारियाव मिरुनि मन्थिया गर्भबती आइजोफो, आहार जाग्रा गोलै गथ' गोनां आइजोफोर आरो बैसो जायो हिन्जावसाफोरजों लोगोसे आंगनबाड़ी मिरुफोरनि



हेल्फारफोर आरो मुलाम्फा मोनगिरिफोरनो मुलि हारिनि बिबां फुलि आरो न्युट्रिसन किट राना होयो। बेनि उना मिरुआव मन्थिआ मणिपुरनि गिबि मन्थि एन बीरेन सिंजों इम्फलनि बसापुरायाव गिबि मन्थि मावख'या लोगो हमो। थानाय 12 सेप्टेम्बरआव बिष्णुपुर जिल्लानि जिल्ला पन्सायत रिसाच सेन्टारआव न्युट्रिसन दान फोरबो' आव खुंनाया मोनसे हाबाफारिआव मिरुनि मन्थि इरानीया गाहाय आलासि महैरै नुजाथियो। बे हाबाफारिया मुलि हारिनि बिबां फुलि आरो जाजाग्रा फिथायनि बिबांफोर राना होनायजों जगायजेनयो। बेनि उनाव एनिमिया केम्पखौ जागायजेनो। बे हाबाफारियाव गावनि बिबुंथिखौ लाखिनांनयनि उनाव मिरुनि मन्थिया न्युट्रिसन साइकेल रेलिखौ जगायनायनि गोथां फिरफिला दिन्थिनानै खारहोयो। बेजों लोगोसेनो मिरुनि मन्थिया न्युट्रिसन वाक'नौबो गोथां फिरफिला दिन्थियो। न्युट्रिसन अभियानआ उन्दै गथ'फोर, गर्भबती आइजोफोर आरो आहार जाग्रा बिमाफोरनि थाखाय न्युट्रिसनजों लोब्बा गोनां गोनांथिफोराव सोलायनाय लाबोनायनि थाखाय भारत सरकारनि मोनसे गाहाय हाबाफारि।

कर्नाटकआव गिखंथाव लामा जाब्रथाय, सा 8 थैदों



बेंगलुरु, 13 सेप्टेम्बर: कर्नाटकआव मोनसे गिखंथाव लामानि जाब्रथाय सोमजिनयजों सा 8 सुबुंफोरनि जिउ गोमादों। बे जाब्रथाया चिन्तामणि ओन्सोलाव मरनायकनहल्लीनि साखाथियाव जादों। बे जाब्रथाया उल्था दिगनिफ्राय फैनाय थानाय गंसे जीप गारिआ लरि गारिखौ सौग्रावफैनायाव जादों। चिकलपुर पुलिसआ बे खौरंखौ मिथिहोनानै बुंदोंदि, बे जाब्रथाया रबिबारखालि जादों। पुलिस बिबानगिरिफोर आरो चिन्तामणिमि एमएलए जेके कृष्णा रेड्डुआ जाथायथिलियाव दावबायहैदों। सुलुनि बादिव्ला, जीप गारिआ रजा लामा पारसै थंगासिनो दडमोन, बे समावनो बे जाब्रथाया जायो। बेनि सिगांबो सोलिफु बोसोरनि हाबजेन्नायावनो कर्नाटकआव गिखंथाव लामानि जाब्रथाय जादोंमोन। बे जाब्रथाया 15 जानुवारिआव जादोंमोन, जेराव सा 11 सुबुंफोरनि जिउ गोमादोंमोन।

बैंक एकाउन्ट खुलिनायआ बांदों, नाथाय सुद लांनायनिफ्राय रेहाय मोनाखै: एनएसएस

गोदान दिल्ली, 13 अक्टूबर : सुद लाग्राफोरनिफ्राय आबादारिफोर आरो गामिनि नोगोरिफोरखौ उदां खालामनो थाखाय सरकारआ माखासे रहा लादों। नाथाय बावयैसो समनि बोसोरसिमाव बेनि जेबो मोजां फिथायखौ मोन्नो हायाखै। 2013-2019 नि समाव हादतनाडै बैंक एकाउन्ट खुलिग्राफोरनि अन्जिमाया बांनानै गासै नै गुन जाबाय। नाथाय गामियारि ओन्सोलाव सुद लाग्राफोर, बाहागिफोर लोगोफोर, चिट फान्ड, बादिनिफ्राय रां दाहार लाग्राफोरनि अन्जिमाया बे समाव 19 जौखोन्दोनिफ्राय खमायनानै 17.1 जौखोन्दो जाहैबाय। गामियारि ओन्सोलजों लोगोसे सहर ओन्सोलावबो 8 जौखोन्दो न'फोरा ओरैबादि जायफोरा 2019 आव गोबां सुदनि सायाव रां दाहार होग्रा सुबुंफोरनिफ्राय



रां दाहार लादोंमोन। भारत सरकारनिफ्राय फोसावनाय अखिल भारतीय रां दाहार लाग्रा आरो इनभेस्टमेन्ट साभै-2019 आव बे बाश्राखौ मोनथिनो मोन्नाय जादों। एनएसएस साभैआव रोखा फोसमायदोंदि, गोबां अन्जिमायाव बैंक एकाउन्ट खुलिब्लाबो फसंथान एजेन्सिफोरनिफ्राय रां दाहारखौ रानना होनाय थासारिआव बांद्राय सुखानाय फैयाखै। बयनिखुइबो खम सानफोराव बयनिखुइबो बांसिन बैंक एकाउन्ट

खुलिनायआव भारतनि मुडा वाल्ड रिकर्ड जादों। मिरु सरकारनि अन्जिमानि बादिव्ला, 15 आगस्ट, 2014 आ लन्स खालामनाय प्रधान मन्थि जन धन यजनानि गेजेरजों जुन 2021 सिमाव गासै 42.44 कौटि बैंक एकाउन्टखौ खुलिनाय जादों। आरबिआइनि अन्जिमानि बादिव्ला मार्च 2013 आव जिर बेलेन्स बैंक एकाउन्ट यजनानि गेजेरजों 18 कौटि बैंक एकाउन्ट खुलिनाय जादोंमोन। जानुवारी 2019 आव जन धन यजनानि गेजेरजों खुलिनाय बैंक एकाउन्टनि अन्जिमाया 34.03 कौटिमोन। मार्च 2013 निफ्राय जानुवारी 2019 नि गेजेराव गासै 16 कौटि बैंक एकाउन्ट खुलिनाय जादों, जेराव 90 जौखोन्दोआ बांदों।

इडिआ आप पार्टिनि नटिस दैथाय हरदों

गोदान दिल्ली, 13 सेप्टेम्बर : इडिआ आप पार्टिनो नटिस दैथाय हरदों। आप पार्टिनो गं 4 नंखाय कम्पानीफोरनि गेजेरजों खेन्दा होनायनि केसआ फेब्रुवारी 2014 नि, जेराव आरसिअआ गं 4 नंखाय कम्पानीफोरनि गेजेरजों आप पार्टिआ 2 कौटि रां मोन्नायनि अजदखौ पुलिसनो होदोंमोन। बे रांखाथिखौ देरदुनि गंसे कम्पानीआ शेल कम्पानीफोरनि गेजेरजों होदोंमोन। इडिनि नटिसनि सायाव आप पार्टिनि एमएल राघव चड्डुया टुट्ट खालामनानै बुंदों, मदि सरकारनि फेबारेट एजेन्सि इडिनिफ्राय आप पार्टिआ लाब लेयर मोन्दों। आप पार्टिनि मावख'आव सानजौफुनि



1 रिगा 30 मिनटआव प्रेस कनफारेन्स खालामदों आरो आपनि हेंथायै बिजेपनिखिथेर लानायनि बिजिरनायखौ एक्वज खालामगोन। मख'नो गोनांदि, इडिआ 2017 आ गं 4 नंखाय कम्पानीफोरनि हेंथायै प्रिभेन्स अफ मानी लन्डुं एक्टनि गेजेरजों केस थिसन्दोंमोन। बे गं 4 नंखाय कम्पानीफोरनिफ्राय

गवाआव केरेलानि दावबायारिफोरनि 5 सानसिम क्वारेन्टाइन थानाया गोनांथार जागोन

पणजी, 13 सेप्टेम्बर: गवाआव केरेलानि दावबायारिफोरनि थाखाय 5 सानफोरनि क्वारेन्टाइन थानायखौ गोनांथार खालामबाय। गवा सरकारआ केरेलायाव बांनाय करनानि केसफोरखौ नोजोर होनानै बे हाबाफारिनि थांखिखौ लादों। जर'खा फरायसाफोर आरो केरेलानिफ्राय हाबाफारिआव फैनयफोरनि थाखाय 5 साननि क्वारेन्टाइनखौ गोनांथार खालामदों। रबिबारखालि फोसावनाय मोनसे खौरांनि बादिव्ला, गवा खुंथाया बोरिसा राइज्योआव केसीन'जों लोगोसे माखासे थांलाय-फैलाय खालामनाय फोरारिआव होबथानायखौ लाखिलानानै राइज्योयारि फोसावनाय कार्फिउखौ 20 सेप्टेम्बरसिम बांहोदों। बयनिखुइबो सिगां बेवहाय 24 घन्टानि कार्फिउखौ बे बोसोरनि 9 मेआव लागायनाय जादोंमोन आरो बे समनिफ्रायनो बेखौ नेमखान्थियारि महैरै बांहोगासिनो दड। आथिखालाव गवा सरकारआ बांसिन थांलाय-फैलाय खालामनायनि



होबथानायखौ खुलिनायै होबाय, नाथाय केसीन' बायदि थांलाय-फैलाय खालामनाय हाबाफारिखौ गोदानै खुलिफिन्ने आद्रा दड। खौराडव बेखौबो फोरमायनाय जादोंदि, खालामनाय फोरारिआव होबथानायखौ लाखिलानानै राइज्योयारि फोसावनाय कार्फिउखौ 20 सेप्टेम्बरसिम बांहोदों। बयनिखुइबो सिगां बेवहाय 24 घन्टानि कार्फिउखौ बे बोसोरनि 9 मेआव लागायनाय जादोंमोन आरो बे समनिफ्रायनो बेखौ नेमखान्थियारि महैरै बांहोगासिनो दड। आथिखालाव गवा सरकारआ बांसिन थांलाय-फैलाय खालामनायनि

गोसोम मैफोरनि अन्जिमाया बांसिन जादों

गोदान दिल्ली, 13 सेप्टेम्बर : 719 हेक्टर हा सायव गोसारना थानाय हाग्राबारियाव दासिमाव मा 3500 निफ्राय बांसिन गोसोम मैफोर दं। आगुनि गोसोम मैखौ रजुनायाव बे खेबआ मा 148 मैफोर बांसिन जादों। मौसुमि बोथोराव मोजां अखा हानायनि जाहोनाव बेवहायनि हाग्राफोरा मोजाडै रजखांदों, जेराव फारफामथिंजायबो सोमखोर हाग्रा बारिखौ नुनो मोन्नाय जादों। बेजों मैफोरनि थाखाय बोसोरसेनि थानानै थानायनि रहा जादों। बिबानगिरिनि बादिव्ला, बेवहाय नै दर्जनिफ्राय बांसिन हारिनि हाग्राफोरा रजयो। बेवहाय मथिया, धामन, कन्टीत, झेरना, लांपला, डुब, करड, खेबन, घड्ड, दुब, गटिल हाग्राफोरा दंफा देरो। मथिया धासखौ गोसोम मै आरो फुरजों दावआ गोसो होनानै जानो। बे हाग्रा बारिआ मा 300 निफ्राय बांसिन हारिनि दायफोराबो थायो, जेराव गेजेर एसियानिफ्राय बिरबांनय दावफोराबो दंफा देरो। रजस्थाननि चुरुआ थांनय तालपाहार हाग्रा बारिआव ओन्सोलनि रजुजखाआव 5 गुन बांसिन मैफोर दं। मान दान्दानि बादिव्ला मासे मैनो दावबायनो थाखाय 1 हेक्टर हाग्रा बारिनि गोनांथ जायो। मैफोरखौ 30 कि:मि: गोजानआव थानाय नागौरनि जसबन्तगड ओन्सोलाव सिफ्ट खालामनायनि यजनानि सायाव हाग्रा बिफानआ हाबा मावदों।

हादतआव फोर्बोनि सिगां करनानि केसफोरा दावख्लायदों

गोदान दिल्ली, 13 सेप्टेम्बर : हादतआव करनानि केसआव थांनय सप्ताहयाव गोखें बांबोनाय जेंनाया आथिखालाव जानगार जाबोगासिनो। बेनि जाहोनानो जादों करना पजिटिभ केसआ दावख्लायनाय। बेजों लोगोसेनो एक्टिभ केसनि अन्जिमायाबो दाख्लायनो हमदों। थांनय 24 घन्टायव करनानि 27,254 गोदान केस मोन्दों आरो सा 219 थैदों। बेनि अनगायै बै सानाव सा 37,687 बेरामिफोरा रिक्भारी जायो। बे बायदिनो हादतआव सानसेयाववो एक्टिभ केसआ 10,000 नि बांसिन दावख्लायदों। आथिखालाव 3,74,260 एक्टिभ केस दड। हादतनि आथिखालनि गासै पजिटिभ केसफोरजों रजुनायाव एक्टिभ केसनि हारआ 173 जौखोन्दो आरो रिक्भारीनि हारआ 97.54 जौखोन्दो। हादतआव गासै रिक्भारि जानाय अन्जिमाया सा 3,24,47,032 जाबाय। बेनि अनगायै सप्ताहयारि पजिटिभीनि



हारआबो गोखैयै दावख्लायनानै 2.11 जौखोन्दो जादों। बे हारआ थांनय 30 सानफोरनिफ्राय 3 जौखोन्दो खम जादों। आथिखालनि सानफोरमबोनि पजिटिभिटिनि हारआव 2.25 जौखोन्दो जाय थांनय 14 सानफोरनिफ्राय फारियैनो 3 जौखोन्दोनिखुइ खमसिन जादों। फार्सिंथ थामथि दोहौनि सन्देह आरो फैगो सानफोराव फोर्बो खुंजानो गोनांखों नोजोर होना नै आथिखालनि करनानि थासारिया गोजोननि इसारा होदों। मख 'जाथादि, जरखाफोरा

आगस्ट आरो सेप्टेम्बर दानाव थामथि दोहौ फैगोन होन्ना हमदादोंमोन। नाथाय बेफोरो नंगुबै जाना फैयाखै। गुबुन फार्सिंथि भेक्सिन थुनायआबो गोखै जाबोदों। दासिमाव गासै 74.38 लाख करना भेक्सि थुनायनिफ्राय रैखाथि खालामनो हानाय जायो। बेयो मोनसे गिदिर रेहाय मोन्नाय, जायनिफ्राय रोखा जायोदि, करना भेक्सिन थुनाया बांसिन जानायजों करनाखों फेजेनायाव मदत मोनगोन।

मेगा भेक्सिन थुनायनि जाहोनाव फैनो गोनां समाव जायखि जाया करनानि दोहौनि जाहोनाव थासारिया गिखंथाव जानाय नड। जरखाफोरनि बादिल्ला करनानि भेक्सिननि गिबि ड्रपजोंनो 97 जौखोन्दोसिम थैनायनिफ्राय रैखाथि खालामनो हानाय जायो। बेयो मोनसे गिदिर रेहाय मोन्नाय, जायनिफ्राय रोखा जायोदि, करना भेक्सिन थुनाया बांसिन जानायजों करनाखों फेजेनायाव मदत मोनगोन।

इउपिआव बे खेवआव धोरोमारि दावहा

कुशीनगर, 13 सेप्टेम्बर : सिएम यगी आदित्यनाथआ संत कबीरनगर आरो कुशीनगरआव नोगोरारिखों सोमोन्दो लानानै अखिलेस यादबनि गिबि सरकारनि सायाव थांखिदों आरो निखावरिफोरा मोन्नाय जाग्रा आदारखों मख 'नानै गेनाखान्थि आरो भाइ-भतिजाबादनि आयदानि सोमोन्दैबो बाश्रा बुंदों। सिएम यगीआ 2014 आव समाजबादी पार्टिनि सरकारखों थांखिनानै बुंदोंदि गिबियाव जाग्रा आदार मोनामोन। नाथाय आथिखालाव निखावरिफोरा जाग्रा आदार मोन्नायखों सोरबाया हजम खालामनो हायाखै। 2017 नि सिगां जाग्रा आदारखों अब्बाजान बुंग्राआ हजम खालामोमोन। सिएम यगीआ बुंदों राम सिबियारिनि सायाव गुलि गावग्रा तालिबानखों हेफाजाब होग्रा जादिबादी- बंशबादी सानग्रा हग्राखों राइज्योनि नोगोरारिफोरा सहायनाय नड। गोसोआव लादि देउकाकरआ जेराव थाया मानो अरखागोन। दिने निखावरिफोरनि जाग्रा



आदारखों रावबो जाखोमानो हानाय नडा। जुदि जाखोमायोब्ला जेलाव थांनागोन। उत्तर प्रदेशआव माबा खमी जानानै दंमोन। बेवहाय खुंथाय खुंनाय कंग्रेस, सपा आरो बसपाआ राइज्योनों बेराम, खामानि गैयै, माफिया राज आरो गेनाखान्थिनि अनगायै मा होदों, जुदि जौगाखानायनि यजनाआव हाबाफारि मावनाय मोनब्ला आगुनि बिसायख 'थियाव कंग्रेसआ 7 था मासिफोरल' मोन्नाय नडामोन। गिबि मन्थि यगी आदित्य नाथआ बुंदों, कंग्रेसआ बेरामखों होयो, राम सिबिनयाखों अपमान खालामो आरो माफियाफोरनो थानो

बानायनायनि लामाखों रोखा खालामना होयो आरो माफियाफोरखों बै जायायाव दैथाय हदों, जेराव बिसोरो थाहैनांगो। यगी आदित्यनाथआ कंग्रेसखों थांखिनानै बुंदों कंग्रेसआ हादतआव उतरखारिफोरखों जोनोम होदों। हादतखों जौखोम खालामग्रा सुबुंफोरखों सहायनाय जानाय नडा बिजेपि। दैब्लासो गासिबोनि थाखाय सम्मान दं आरो सिबिनयायनि थाखायबो सम्मान दं।

बीरप्पा मइलीआ प्रशान्त किशनि थाखाय बाश्रा बुंदों

गोदान दिल्ली, 13 सेप्टेम्बर : कंग्रेसनि गागि दैदेनगिरि आरो आगुनि सरकारआव मिशनि मन्थि जानीय बीरप्पा मइलीआ गिदिर बिबुंथिखों होदों। फार्सिंथि जाय मइलीआ पार्टिनि माखासे दैदेनगिरिफोरनि सायाव जी-23

थांनय बोसोराव सनिया गान्धीनो लाइजाम लिस्नानै फसंथानआव सोलाय सोल' खालामनो दाबि दैखदोंमोन। बियो बुंदों माखासे सुबुंफोरा जी-23 खों आयेनि बेरेखायै बाहायदों। सनियाआ पार्टिनि सिडाव सुखानो



एबा गनाय गैयै दैदेनगिरिफोरनि युपुखों गोरोस्थियै बाहायनायनि दाय बाजसिन्दों आरो गुबुन फार्सिंथिजाय बियो बिसायख 'थिनि सोलोयारि खान्थिगिरि प्रशान्त किशरखों कंग्रेसआव लाफादेर नायनिबो पेरबी खालामदों। बीरप्पा मइलीआ बुंवावदों जाय दैदेनगिरिआ प्रशान्त किशरखों कंग्रेसआव लाफादेरनायखों हेंथा होदों, बियो जेंना सुखानायनि हेंथा मख 'नो गोनांदि, मइलीआ गावबो बै सा 23 दैदेनगिरिफोरनि गोजेराव दंफा देरोमोन। जाय

सावगयलायदों। बे समनिफ्रायनो जों जी-23 नि सानाय हनायखों नेवसिगारदों। पार्टि आफादगिरि सनिया गान्धीनि सामलायनायाव जेंना सुखानायआ जागाय जेन्नायजों लोगोसेनो जी-23 ना जेबो गुदि बिथा थायाजासे आरो बेयो बाहायजायै जादों। मइलीनि बेबादि बिबुंथि होनायआ मख 'जाथाव जादों, मानोना जी-23 नि माखासे दैदेनगिरिफोरा बेनिफ्राय जानगार जादों एबा थांनय बोसोराव बिनि लाइजाम लिस्नानायनि उन्नफ्राय सिरिथादों।

भारतीयफोरनि रियेल इस्टेट सम्पतिफोरनि खावसेखों होगोन सुइजारलेन्डआ

गोदान दिल्ली, 13 सेप्टेम्बर : सुइजारलेन्डजों लोगोसे अटमेटिक एक्सचेन्ज अफ इनफरमेसन पेक्ट (एइआइ) नि गेजेरजों भारतआ बै दानाव गावनि नोगोरारिफोरनि सुइज बैंक एकाउन्टनि खेंफोरथिनि थामथि सेटखों मोन्नो हागोन। गिबि खेब बेवहाय भारतीयफोरनि रियेल इस्टेट सम्पतिफोरनिबो अन्जिमाया थागोन। बिबानगिरिआ बे बाश्रानि खौरांखों होदों। भारतीय महरै गुबुन हादतआव जमा दोन्नाय गोसोम दोहोननि हेंथायै भारत सरकारनि दावहा नांनयावआव बे थांखि लानायखों



माइल खुन्थिया मानिनानै लानाय जादों। बेनि गेजेरजों भारतआ बे दानआव सुइजारलेन्डआव भारतीयफोरनि फ्लेट, एपार्टमेन्ट आरो जुथायै रियेल इस्टेट सम्पतिफोरनिबो फुरा खौरांखों मोन्नो हागोन। लोगोसेनो बेवहाय बे सम्पतिफोरनिफ्राय रां खानायनायखोंबो मख 'नाय थागोन। बेजों बेनि सोमोन्दो थानाय टेक्सखों नायबिजिरनायावबो मदत मोनगोन। बिबानगिरिआ फोरमायदों सुइस सरकारआ रियेल इस्टेट सम्पतिफोरनि खेंफोरथिखों सेयार खालामनो थाखाय थियारि जाबाय। नाथाय एनजिअ, गुबुन गुबुन फाउन्डेसनआ बिहोमाहोनाय आरो डिजिटेल कारोन्सिआव इनभेस्टमेन्ट खालामनायनि सोमोन्दै खौरांखों दानो होथनाय नडा। एइआइनि गेजेरजों भारतआ सेप्टेम्बर 2019 आव गिबि सेटखों मोन्दोंमोन। सेप्टेम्बर 2020 आव भारतआ गावनि नोगोरारिफोर आरो कम्पानीफोरनि बैंक एकाउन्टनि खेंफोरथिनि नैथि सेटखों मोन्नो हादोंमोन।

गोदान दिल्ली, 13 सेप्टेम्बर : बिसायख 'थिनि सिगां राइज्योफोराव गिबि मन्थिफोरखों सोलायनायजों लोगोसे बिजेपिआ फसंथानफोरनि थाखायावबो गिदिर सोलाय सोल' खालामगासिनो दड। दानसे सिगांसो बिहार बिजेपिआव जुथाइ सेक्रेटारि रत्नाकरखों पार्टिआ गुजरात आफादनि गाहाय सेक्रेटारि खालामदोंमोन। बेनि जाहोनाव रत्नाकरआ भीखु भाइर दलसानियायन जायागाखों लादोंमोन। जाय बे मासियाव बयनिखुइ बावसिन सिमसिम थाबाय थायो। बेराफार्से दलसानियाया थांनय 2005-2021 सिम गाहाय सेक्रेटारि महरै थाबोदों आरो बे समाव बिथाडा बिजेपिनि साफ्रोम गिदिर दैदेनगिरिफोरजों लोगोसे सोमोन्दै लाखियो। आथिखालाव दलसानियाखों बिहारव दैथाय हरनाय जाबाय। बिजेपिनि बे गिदिर सोलाय सोलआव उतरखान्डनि राइज्यो गेंगिरि बेबी रानी बिथानि बिबान एंग्लायनायाबो मख 'जाथाव। बिथाडा सासे दलित दैदेनगिरि जाय आग्राणि मेयरबो जाखांबाय।



सोलायदोंमोन। बे समाव बिसायख 'थि मोजों हमदांरा, नायबिजिरनो हाग्रा दैदेनगिरिफोरनो मख 'जाथाव राइज्योफोरनि बिबान गथाइदोंमोन। बेनिखायनो राधा महन सिंखों इउपिनि बिबानगिरि बानायो। बेराफार्से, भुपेन्द्र यादबनो गुजरात आरो अरुण सिनो कर्नाटकनि बिबान होयो। बिबानगिरि मासिफोराव माखासे गोदान महरफोरखोंबो बिजेपिआ सोफादों। बेयाव गवानि सिटि रवि, उतरखान्ड आरो पाञ्जाबनि दुष्यंत गौताम, त्रिपुरानि बिनद सनकर, हिमाचल प्रदेशनि अबिनास गय खन्ना आरो मणिपुरनि संवित पात्राबो दंफायो। बिसोरनि गेजेराव भुपेन्द्र यादब आरो सुधीर गुप्ताखों गुजरातनि लोगो बिबानगिरि खालामो। बेराफार्से सप्राहनो उतर प्रदेशनि कानपुर ओन्सोलाव इनक्सन इन्वार्जनि

बिबानबो होयो। औरैहाय उतर प्रदेशआव राधा महन सिंनि सिडाव सप्त कुमार, सुनील अइना आरो सन्जीव चौरसियाखों लोगो बिबानगिरि महरै थिसनो।

भवानीपुरनिफ्राय बिजेपिनि बिजाथि प्रियंका दिबरेवालआ मुंलाइ थिसन्दों

गोदान दिल्ली, 13 सेप्टेम्बर : सोनाब बंगनि बिसायख 'थिनि जेंनाया आरोबाव खनसे खौराडाव थादों। बेवहाय भवानीपुर बिधान सभा मासियाव बिसायख 'थि जानो गोनां दड। बेवहाय सोनाब बंगनि गिबि मन्थि ममता बेनार्जीआ राजखान्थि फोथाराव ओंखारदों। आथिखालाव कंग्रेसआ टीएमसिनो रोखा लामाखों होदों। बिजेपिआ प्रियंका दिबरेवालखों फोथाराव ओंखारहोदों। समबारआव



भवानीपुरनिफ्राय बिजेपिनि बिजाथि प्रियंका दिबरेवालआ

मुंलाइखों थिसनगोन। सोनाब बंगनि सुबुंफोरा थांना थानायनि मोन्नाय दड। ममता बेनार्जीनि सामलायनाय कंग्रेसआ बिसोरनि बे मोनथायखों सिंख 'दों। दिबरेवालआबो बुंदों आं सोनाब बंगनि सुबुंफोरनि थाखाय दावहा नांनगोन। मख 'नो गोनांदि, भवानीपुरनि थाखाय अफा बिसायख 'थिआ 30 सेप्टेम्बरआव मोन 2 ओन्सोलफोर जन्गीपुर आरो समशेरगन्जआव भट जागोन सानाय सोनाब बंगआव दुर्गा फुजा फोर्बोआ जागायनायनि 1 सप्ताह सिगां 3 अक्टूबरआव जागोन। मख 'नो गोनांदि, बे उन्न बिसायख 'थिया ममता बेनार्जीनि मान सम्मान आरो सिएम मासियाव थाबाय थानायनि थाखाय गोबां गाहाय जादों। मे दानआव जानाय बिधान सभा बिसायख 'थिनि फिथाइआव बियो नन्दीग्राम बियाबआव जेन्नायजों मोगा मोगि जानादोंमोन। बेनि उनावबो बियो सिएम जादोंमोन।

जेट एयारबेजआ बोसोरनैनि उनाव 2022 निफ्राय जागायफिनसिगोन

गोदान दिल्ली, 13 सेप्टेम्बर: थांनय 2019 निफ्राय बन्द जानानै थानाय उरां जाहाज कम्पनी जेट एयारबेजआ आथिखालाव गावसोरनि सिबितायखों जागायफिनसिगोन। बिसोरनि उरां जाहाजआ आरोबाव खेबसे अखाडाव बिरनो थियारिआव दड। अदेबानि जेट एयारबेजआ फैगो 2022 नि गिबि दानथामनि गेजेराव गावसोरनि नख 'रारि उरां बिरनायखों जागागोन। कम्पनीनि गोदान बिगोमा कार्लरक जालानआ बे खौरांखों होदों। केप्टेन सुधीर गौरआ जेट एयारबेजनि एक्टि सिइअ जागोन। कन्सर्टियामनि फार्सिंथिफ्राय फोसावनाय मोनसे बिबुंथियाव बुंनाय बादिल्ला, ग्राउन्डेड केरियारखों जागायफिनयनि हाबाफारिया थाखानाय एयार अपारेटर सार्टिफिकेटजों लोगोसे ट्रेकआव दड, जायनि रि-भेविडेसननि थाखाय हाबाफारिया सिगांनिफ्रायनो सोलिबोदों। बेनि गेजेरजों कन्सर्टियाम स्लट जगायनानै होनाय, गोनांथि जानाय उरां गाथोननि गुदि बिथा आरो नाइट पार्किनि सायाव सोमोन्दो

गोनां अथ रिटिज आरो एयारपर्टसखों अडिनेटजों लोगोसे गोरोबलायनानै खामानि मावगासिनो दड। मख 'नो गोनांदि, थांनय 2019 आव बन्द जानाय बे एयारलाइनखों सालायफिनो थाखाय कार्लरक केपिटेल आरो मुगुरि लाल जालाननि कनसर्टियामआ थांनय 2020 नि अक्टूबरआव बलिआव देरहादोंमोन। बे थांनय 22 जुनआव कार्लरक जालाननि रिजल्युसन प्लान नेसनेल कम्पनील ल' ट्रिब्युनेलआ गनायथि होदोंमोन। बेनि गेजेरजों एनसिएलटिनि मुम्बाइ बेन्सआ डिरेक्टरेट जेनेरेल अफ सिभिएल एम्प्लेसन आरो उरां जाहाज बिफाननो जेट एयारबेजखों स्लट होनो थाखाय 2022 जुननिफ्राय 90 साननि समाव होयो। बेनि सोमोन्दै जेट एयारबेजनि एक्टि सिइअ केप्टेन गौरआ फोरमायोदि, जों सिगाडवनो 150 निखुइ बांसिन फुल टाइम मावग्रा मावसुमाफोरखों हायार लाबाय। 2022 सिमआव गासै थाखोआव 1000 निखुइ बांसिन मावसुमाफोरखों थिसन्यायखों जागायगोन।

जिउनि जारिमिन

दंमोन आंहाबो बे संसाराव बिमा-बिफा ! गैया नाथाय जानाय लोनाय दिने जाबा गाबोन गैया दंमोन आंहा मोनसे सिमां नाथाय जाफुंसारनायनि लामाखौनो नुहराखिसे आं सान्दोमोन आं गोबां गोजौ थाखोसिम सोलोंथाइ लालानो नाथाय न'खराव आंहा जेबो गैया। सोर आय' होननो आंनि बे जिउ जारिमिनखौलाय, गैया आंहा बे संसाराव गोजोन होननाय खालि दं दुखु-दाहा सामफ्रोमबो मेगनाव मोदे खुगायाव खुदै। मालायनि गोदान-गोदान गान्नाय जोमनायखौ नुब्ला लुवैसै। मालायनि जानाय-लोनायखौ नुब्ला खुदै मन'नाने उदै हमथानाने थानांसे मा जाबावगोन बे आंनि जिवआ.....???

देरहासार ब्रह्म गामि-गसाइगाव मालागिरि

सोलोंथाय

लाजेनबाय आं दिने, सोलोंथायनि फुंखाखौ; मोनजेनबाय आं दिने गियाननि फुंखाखौ। मेगनजोबो नुबाय आं, सुबुंफोरनि नाजानायखौ, आंबो नाजगोन सानसे; सोलोंथायनि फुंखा लानाने। गियाननि बुब्लि बिखायाव, गियाननि सोमखोर हायाव नुबाय आं जिब-जिबिनि; सोलोंथाय-रोनायखौबो। माब्लादि जाखांगोन आंनि सोमखे मोखांआव, माब्लादि सौफेगोन आंनि सोरां गोसोआव।

मिस दिपानजलि मोसाहारि इउ एन एकाडेमि कक्राझार

सांग्रेमा एम्फौ

हर दान खोमसिआव जोडे नों सांग्रेमा साननि समाव नों जोडे; हरनि समावल' जोडे नों। रिथिउ-रिथाव जौथि-माथि स्टेसननि रड लाइट जौनाय बादि बेसे समायदों। नों सांग्रेमानि जौनाया मादि गोहो लानाने जोडे नों रावबो हाया नौनि जौनायजों हर दान खोमसिखौनो साथिफबहोयो। नों सांग्रेमा एम्फौब्लाबो नौनि गोहोआ गोबां, हर खोमसिआव आन्दायनाय सुबुं फेनायफोरनोबो सिगां जानाने जौनाय होयो नों। बे मुलुगाव थानाने थाबाय था नों सांग्रेमा अरायबोनि थाखाय।

मिस मौसुमि दैयारि रैमालि एकाडेमि कलेज, बिजनी, चिरां।

गथफोरनि सल'

तेनालि रामायया गावनि गामियावनो मुंदांखा जाखाबायमोन। बिनि गिबि मुडा रामकृष्णमोन। बिनि गामिनि मुडा तेनालिमोन। बियो सासे ब्राह्मण गथ' महरै कलकि देविनि फुजियारिमोन। बियो सानसे खालि हरसेमानि मोदाइजोखौ फुजिदोंमोन, आर'ज गाबदोंमोन। मोदाइजोआ बेनि सिगाडव नुजाथिना राजा कृष्णदेव रायखौ लोगो हमनो थिनदोंमोन। बिबिदो बियो राजानिसिम थानायसै आरो राजानि जेबो



हुकुम मानियालाबानो हाबलानायसै आरो मोसानायव हेंथा सोमजि होनायसै। बेखौ नुना राजाया जोबोर रागा जौनायसै। राजाया तेनालिनि गोदानाखौ दानस'नो हुकुम होनायसै। बेनि सिगां बिखौ जोबथेसालियाव दोननाय जादोंमोन। बिखौ अखानायै साजा होनो गोनांमोन। नाथाय जाबोद बुद्धि गोरो तेनालिया गावनि हासार गोनां मेलेमजों माबा माबि सानह। बरुम बायमोन। अखानायै फुडाव राजानि गार्दफोरा बिखौ लांनो फेनाय नुना बियो बुंदोंमोन, "अनजालु लोगोफोर, आं सासे ब्राह्मण। बेखायनो आं आसार फालिनां साजाखौ नाजावनो थांगोन। आंखौ तुंगभद्रा दैमायाव दुगैहेनो होप्रो।" गार्दफोरा तेनालिखौ दुगैनो थांहोनायसै। दुगैखां लोबखां तेनालिया दैमा सेराव जिरायना धियान खालामनो लानायसै। बेनि उनाव बियो जाग्रा मुवा बिनायसै। गार्दआ बिनो नालेंखर आरो फिथाइ

होफेनायसै। जाखां लोखां बियो दसे गोलाननायसै। गार्दआ सिरि सिरि नेबाय थानायसै। तेनालि आरो उन्दुलांनायसै। घन्टाथामसो उनाव सिखारना

तेनालिया कृष्णदेव रायखौ माबोरै लोगो हमहैनाय

तेनालिया गार्दखौ बुंनयसै, "नोंसोर दाबो आंखौ थेंनाय साजा होआखै ? आं नोंसोरनि खामानिखौ गोरलै खालामना होनि। आं गोदनासे दैयाव हाबगोन, आं मेगन मिसिबना

रामनि मुं गाबजिगोन। नोंसोर थुंग्रिजों आंनि गोदनायाव दानस'। गार्दफोरा बि बुंनय बायदि मावनायसै। नाथाय तेनालिया रामनि मुं गाबजिना दैयाव थब्ल' बनायखाय थुंग्रिया बिनि गोदनायाव नाडाखैसै। बियो राजानिसिम थानायसै। बाश्राखौ मिबथि ना राजाया ग्लाब ग्लाब मिनिनायसै आरो तेनालिनि बुद्धिखौ सिरि सिरि बाख्नाथनायसै। नाथाय बे बाश्राखौ रावनोबो बुंथियाखैसै। बिथाडा हुकुम होनायसै तेनालिखौ मैदेरजों गामिन होनाने बुथारनाय जाथों होनना। राजाया सिरि सिरि नेबाय थानायसै तेनालिया बेखेबाव मा बुद्धि बाहायना गावखौ रैखा खालामो। गार्दफोरा तेनालिखौ नोगोरनि बाइजोआव लांनयसै आरो हाखर जावनाने बिखौ गोदनासिम फबनायसै। बेनि उनाव बिसोर मासे मैदेर लायनो थानायसै। तेनालिया गावखौ रैखा खालामनो राहा नागिर खमानायसै। बियो सासे

रंजालि गथ' फोरनि सौरा

धुबिखौ गावनि फार्से फैबाय थानाय नुनाने गाबजिनायसै, "लोगो, आंबो नों बायदिनोसासे धुबि। आंबो सि सुयै सुयै नों बायदि खुज्राजा जादों। सासे अजाया आंखौ बिबि थानो थिनदों। बिबि थानाने आं मोजां मोनहांबाय।" धुबिया बिनि बाश्राखौ फोथायनायसै आरो गावनि बेरामखौ सोखानो हागोन सानना तेनालिखौ हाखरनिफ्राय दिहुन्ना गाव बे हाखराव हाबना थानायसै। तेनालिया बिनि सि



थफलाखौ लाना राजखारेडव थानायसै। गार्दफोर मैदेर लाबोनाय नुना धुबिया हसिखावनायसै। गार्दफोरा मिबथि मोननायसैदि बि तेनालि नडा। बिसोर बिखौ लानाने राजानिसिम थानायसै। बिसोर तेनालिखौ राजानि सेराव नुनो मोनहैना गोमोहाबनायसै। तेनालिनि बुद्धिखौ नुना राजाया बिखौ गावनि मन्थ्रि महरै सायख'नायसै। नाथाय तेनालिरामाया बुंनयसै, "राजाया रागा जौनाने बुंनयसै, "साबायखर बावनो रोडि

मानसि, नों राजानि हुकुमखौ बिबिद फेलें खालामो ? जायखारलां, आंनि सेराव मोखां दिन्थिफैथार नांलिया।" तेनालिया खर' गंगलायना जायखार लांनयसै। अखानायै राजमेल जानोसै समाव बयबो सासे सोमोनांथाव मानसि नुना सोमोनांहाब नायसै। बियो मन्थ्रिनि खसाब गानदोंमोन, नाथाय बिनि मोखाड हानि दोजों गोबानाय। दोआव मोननै गब्लं दंमोन। राजाया बेखौ नुनाने सोनायसै, "नों सोर ? नों

मानो बिबिद महर लाना नुजाफेदों ?" बियो फिन होदोंमोन, "महाराज, आं नोंथानि जासुला फारिया।" राजाया गावनि राजमेललाव सासेबो जासुला फारिया गैफेरा होनना बुंनयसै। अब्ला बियो फिननायसै, "आं नोंथानि सासे मन्थ्रि। नाथाय नोंथाड आंखौ नोंथानि सेराव मोखां दिन्थिनाहा होन्दों।" राजाया बिखौ सिनायनो हानायसै आरो गोबाखबना सासे जासुला फारिया महरै गनायथि होनायसै।

जौनि हादत

बे जौनि हादोद, रावनिबो नडा बे हादोदआ नौनि आंनि रावबो गैया बे मुलुगाव जाय सुबुडव जिउ गारनाने थांदों गावनि हादोद सिबिनायनि थाखाय मुख्लं जालादों। बे हादोदआवनो थादों बे हादोदआवनो जादों नाथाय रावबो खिन्था रोड गेदेमाफोरनि सलमा, रायथाय जाय सुबुंआ गावनि गाव हादोरखौ सिबि लांदों गावनि मुख्लं सान फालिलांदों। हादोदआवनो उजिदों हादोदआवनो थांदों हारि मोनसेयैनो गावबा गाव आवगाय लांदों..... हारि मोनसेयैनो जयै थादों जाय गेदेमाया गावनि गाव हारिखौ फेदेर लांदों बेसो जादों, बेसो जादों हादोदनि आगोमा फिसा बेसो जादों हादोद सिबिग्रा।

कनिस्वर बरगायारि उमानन्द गोजौ फरायसालि

बर' राव थुनलाइ

जों नै बे मुगानि फरायसा हान्जा बेखेव लांगोन जों बर राव थुनलाइ इनायनि हेंथायै गंस थेना। सैथोनि लामाजों आगान सुरना हान्जा हान्जा दावगा लांगोन बर राव थुनलाइ सिबिनो। उदांश्री हास्थाय सुला हास्थायसुलि बेखेव लांगोन जों बर राव थुनलाइ जो सिबिगोन बर' थुनलाइखौ। जों सोलोंगोन बर' हारिमु राव खान्थि गनायगोन जों हारिनि बोसोनखौ जों सिबिगोन बर' थुनलाइखौ दे जाखंदे देरहासात बर' बिमा थुनलाइ जेब्लाबो गेजेन नडा बर' नि बिमा थुनलाइआ देरहासाद बिमा राव गेवलांथों थुनलाइआ जोखांबाय हारिया.....॥

मिस रिखु नाजारी फरायसालि- उमानन्द गोजौ फरायसालि

जिउनि गुथाल

सुबुं हारिनि गेजेराव दुखु-दाहा गोनां गैथे मिथिस्ताबाजासे रंगिना बुहुमआव जोनोम लानायदोंमोन आं, नैबे साहारा बाला हामानि गेग्रेब देरायाव। बेनो नामा जोनोमनि बान्थाया ? हाय!! लैथोनिखुरैबो थौसिन दुखु अखरां बादि सिमना मोनै जेना जिउनि आगानफ्रोमबो हेंथा, फेल्लेबसेल' सुखु- गोजोन आंहा बे उजिआव। लरहायनाय देहा लानाने माबा मोनगोन सानाने दावगादों, नाजादों आरो हास्थायदों, गुवार साहारा बाला हामानि निजोम देरायाव। नुस' हायै,सानस' मोनै रोमै रोमै गोजानाव जायखार लांबलाबो, बावनो हानाय नंला आं आंनि सिमांनि अनजालिखौ। गोथार सानाय आंनि बेरखां हाया मोखथांआव गावखौनो फोरमायनो गिनाने नों अनजालिनि सिगांआव.....।

कक मुसाहारी

आंनि जायख्लंआव

आंनि गोसोनि जायख्लंआव नुजाफैबाय थायो। हायना गोनां अनसुलि महरा गेले फेयो नों आंनि बिखा गेजेराव। बावनो हाया मानो नौनि बिबार बायदि समायना महरखौ, जाखं फैबाय थायो जानाय-लोनाय हरनि समाव निन गैला साननि समआव गोजोन गैला आंनि बे बिखा गेजेराव मानो गेले फैबाय थायो नों र'जे। रायज्जायनो हाया बुनो हाया आंनि मेगन थाइनेनि नोजोरारव उसाव बादाव जाबाय आं, आंनि जायख्लंआव जाखां फैबाय थायो नों र'जे।

मुसि थनिजा ब्रह्म

जौनि गामि

सान्जानि जारौ साना नुजाबोनाय लोगो लोगो सोरां मिथिगानि अराय नाथाय आय'..... आंनि जोनोम गामि ॥ गैया समायना-रमायना महर बिबारनि बारि सोमखोर गोथां हाजो-हाला सारि-सारि। गासैबो दंनयमानि गोरान आबाद फाथो, बेसर, सेबिनि अनगा गोदान आबाद। गैया रावबो साखि-बाखिनि गिरि बयहाबो फोथारनि आबादआरि। गायनो-फुनो गैजाया दंग-जाम्के, गैया जेब्लाबो ओंखामनि आखाय-बेदरनि आलि। बेनो जौनि जोनोम गामि आमिनफारा। खोलो-खोलो बार बारनाय मिथिगाजों दावसिन-दावज्ला गाबनाय देंखोजों। समाइआ-फागुननि थिं-थिं साननि बिदुं रानस्राव बारहाव जेब्लाबो गुदुं बिफां-लाइफां, औवा, रायदों रानजोबो ॥ गैजाया दासिमबो मोब्लबनि सोरां लाबोग्राबो गैया गामिखौ अराय सोरां। बेनि दुखु थियासिन मा गामि दं बे मिथिगानि बिखायावलाय.....?? बेनो जौनि गामि- आमिनफारा।

रिनदाव बसुमतारी गामि:- आमिनफारा, पाटगाव

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

सा-सान्जानि दावबायनाय आसो हारिमुवारि मन्थिफोरनि जथुम्मा

फोरमायथियो। सा-सान्जानि दरफोमबो राइज्योया हान्था-मेला, जगाजगनि बिथिनिफ्राय जर'खाये जुथाय जानाने दं होन्ना मख'नाने गिबि मन्थि ७ शर्माआ बुंथियोदि, जॉनि दरफोमबो राइज्योआ आलादा-आलादा हारिमुवारिजॉ सिनायथि जानायब्लाबो, धेवब्लाबो गासैबो बिथिडववो जॉनि बिहोमाया दड। बियो बुंथियोदि, उदाश्री जानायनि उनाव गोलाव सम नाडै हादतनि गुबुन गुबुन बाहागोनि रुजुनायाव गोहेलु जानाने थानाय बे ओन्सोलनि जौगाखांनाया बारग' गहाय मन्थि अतल बिहारि बाजपेथिनि माव बिबानावसो थॉजोडै गिबि खेबनि थाखाय जर'खा गोनांथि मोन्ने हादंमोन। सा-सान्जानि जौगाखांनाय बिफान दानायजॉ ओन्सोलसिम 90:10 रुजुनायाव पुँजि गथायनाय राहाफोर सोरजिनाने बारग' गिबि मन्थिआ जागायजेन्नाय बे आयदाखौ नरेन्द्र मदि दैदेन्नाय मिरुवारि सरकारा मोनसे गोदान बिजॉ सोरजिनो हादं। मिथिगायारि सोरजिथाय समायना दिमा हासाव जिल्लानि उमरंसु बायदि जायगाखौ बोसोन होनाने गिबि मन्थिआ बुंथियोदि, सा-सान्जानाय बेबायदि गोबां रुजुजायै दावबायग्रा जायगा दडब्लाबो थि हान्था-मेला, जगाजग राहानि आंखालाव बेफोरो नांगो बायदि फोसावजायाखै। ओन्सोलनि दावबायग्रा खोन्दो जौगाखांनायनि थाखाय बेनि थाखायनो बेबायदि ओन्सोलफोरखौ लानाने लामा नेव्वाकखौ जौगाखांनो नांगो होन्ना मख'नाने सा-सान्जानि लामा गुदि बिथानि जौगाखांनायनि थाखाय गोबां थिसन्थायाव सिगांगो हाबाफारि लानो बेयो मिरुवारि मन्थि रेडुनिमिसि खावलायो। सा-सान्जानाय थानाय जारिमिनारि, धोरोमारि आरो मिथिगायारि दावबायग्रा जायगाफोरसिम गोबां दावबायारिफोरखौ गोसो मोजॉ मोनहोनाय आरो थि गलाफोरनि थाखाय ब्रेड नर्थ इष्ट सान्थौजॉ फोसावनायनि थाखाय गिबि मन्थि ७ शर्माआ गोनांथि होनो फोरमायथियो। ओन्सोलनि माखासे राइज्योफोर खौसेयै खामानि मावोब्ला इयुनि 5 बोसोरनि गेजेराव बे खोन्दोयाव जोडे खौमोनारि सोलायनायखौ लाबोनो हागोन होन्ना बियो मिजि फोरमायथियो। सा-सान्जानि राइज्योफोरनि दावबायनाय आरो हारिमुवारि मन्थिफोर आरो बिफान मोनैनि गोजौ थाखोनि बिबानगिरिफोरखौ सान्ने नाडै बे जथुम्मासिम बरायनानै ओन्सोलनि जौगाखांनायनि थाखाय बेबायदि गोनांथार हाबाफारि लानायनि थाखाय गिबि मन्थिआ भारत सरकारनि दावबायग्रा बिफानखौ साबायखर बाउदं। गिबि मन्थि ७ हिमन्त बिश्व शर्माआ नुजाथि फैनाय दिनेनि बे हाबाफारियाव दावबायग्रा बिफान आरो इन्डियान रेलवे केटारि एन्ड टुरिजिम कर्परेशन (आइआरसिटिसि) नि गेजेराव हादातारि दावबायनायखौ फोसावनायनि थाखाय मोनसे गोरोबलायनाय रदाय खानायाव मुंसाइलायो। गाबोननि जोवथा हाबाफारियाव सा-सान्जानि दावबायनाय गुदि बिथानि जौगाखांनाय, रोगौथि जौगाखांनाय, गलाफोर, उदांश्रीनि अमृत महत्सव आरो सा-सान्जानि सप्ताह, दावबायनाय फोसावनायनि थाखाय सा-सान्जानि मबलाइल आरो इन्टरनेट फोनांजावनायखौ जौगाखां होनाय, हादतनि गुबुन बाहागोफोरजॉ लोगोसे सा-सान्जानि अखां लामा, लामा आरो रेल लामा फोनांजावनायखौ बांहोनाय, श्वदेस दर्शन आरो फोसावनाय बिथांखिनि सावरयज्जलायनाय, गुण गोनां सोलंथायनि जौगाखांनाय आरो सुबुं धोन जौगाखांनाय हाबाफारि, साहस गोनां गेलेमुनि सामलायनाय आरो रेखाथि आयदाखौ गोनांथि होनाय, सान्जानि दावबायनायखौ डिजिटेल फोसावनाय आरो गलाफोर बायदि गुबुन गुबुन बिथिफोरखौ लाफानाय जागोन।भारत सरकारनि दावबायग्रा बिफाननि नेहाथारि अबिन्द' सिंआ बराय बिबुंथि होनो दिनेनि बे हाबाफारियाव मिरुवारि दावबायग्रा, हारिमु आरो सा-सान्जानि जौगाखां बिफाननि मन्थि जि किसान रेडु, मिरुवारि हारिमु आरो संसदारि बिफान अन्सायनि राइज्योयारि मन्थि अर्जुन राम मेघवाल आरो मिरुवारि दावबायग्रा आरो रेखाथि बिफाननि राइज्योयारि मन्थि अजय भाते मोनहाबो बिबुंथि होदं। हाबाफारियाव दावबायग्रा बिफाननि सामलायग्रा बिफाननि गहाय गान्जि कमला बर्धना राव, लेखाइ सामलायगिरि गहाय रुपिन्दर ब्राम्भोजनं लोगोसे भारत सरकारनि गुबुन गुबुन बिफाननि गोजौ थाखोनि बिबानगिरिफोर, गहाय नेहाथारि जिष्णु बरुवामोनजॉ लोगोसे आसाम सरकारनि गोजौ थाखोनि बिबानगिरिफोर आरो सा-सान्जानि दर 8 राइज्योनि दावबायग्रा आरो हारिमुवारि बिफाननि गागि बिबानगिरिफोर बाहागो लाफैदंमोन।

आसाम बिधान सभाया थिसन्नाय नायबिजिर कमिटिनि सा 6 एम

एल ए फोरा सि आइ टि आरो एन टि पि सिआव नायगिदिफैदं

सालाकातियाव थानाय एन टि पि सिआव नायगिदिहैयो। बेनि उनाव सालाकाति एन टि पि सिनि सावराय न'भायाव बिबानगिरिजॉ मोनसे जथुम खुंनाने एन टि पि सिखौ नायगिदिडे। खौंगिरिफोरजॉ मोगा-मोगि लानाय समाव थान्दै हान्जानि दैदेनगिरि एम एल ए लरेन्स इस्लारी आरो जयन्त बसुमतारीआ बुडोदि सालाकातियाव थानाय एन टि पि सिआव बेसेबां सुबुंफोरा थिसन्थाय मोनदं आरो इयुनाव बेसेबां थिसन्थाय होनो हायो बेनि सोमोन्दै सावरयलायनाय जादं। बे बादिदयेनो एन टि पि सि बिबानगिरिनिफ्राय बेनि रिपट विनाय जादं। अदेबानि 90 जौखोन्दो ओन्सोलारि लाइमोन सेंग्रा-सिखलाफोरखौ थिसन्थाय होनायनि सायाव गोनांथि होनाय जादं। मख'नो गोनांदि सिदली बिधान सभा बियाबनि इड पि पि एल दोलोनि एम एल ए जयन्त बसुमतारीआ सि आइ टि आरो एन टि पि सिनि बिबानगिरिआ ओन्सोलनि रंगौसार लाइमोन सेंग्रा-सिखलाफोरखौ गुबुन गुबुन मासियाव थिसन्थाय होनायनि बिथिडव गहाम राहा लागोन होनाने मिजिथिनाय फोरमायदं।

गुजरातनि 17 थि गिबि मन्थि महरै भुपेन्द्र पाटेलआ समायखिरा

लाबाय, गहाय मन्थि - नख'र मन्थिआ हामब्लायथि हरदं

आरो समाजारि सिबिथायाव जाथं। लोगोसेनो मिरुवारि नख'र मन्थि अमित शाहआबो समायखिरा लानाय हाबाफारिनि उनाव गुजरातनि गोदान गिबि मन्थि भुपेन्द्र पाटेलखौ हामब्लायथि हरदं। दिनेनि समायखिरा लानाय हाबाफारियाव हारियाणानि गिबि मन्थि मनहर लाल खतर, मन्थ प्रदेशनि गिबि मन्थि शिबराज सिं शौहान, गवानि गिबि मन्थि प्रमद साबन्तमोनजॉ लोगोसे बिजेपि खुंथाय राइज्योफोरनि गिबि मन्थिफोरखौ दफायोमोन। मख'नो गोनांदि, थानाय शनिबारखालि बिजय रुपानिआ गुजरातनि गिबि मन्थि मासि एंगारदंमोन। जेराव गुजरात बिजेपि एमएलए दोलोनि जथुमाव रबिबारखालि बयनिबो गनायथियाव 59 बोसोर बैसोनि बिजेपिनि दैदेनगिरि पबिन्द्र पाटेलनि गिबि मन्थि मासिनि थाखाय सायख'नाय जादंमोन। मन्थि आफादनि सोद्रोमाफोरनि सामायखिला लानाय हाबाफारिखौ सान्ने उनाव लानाय जागोन। बिजेपिनि मिरुवारि नायसंग्रा मिरुवारि मन्थि भुपेन्द्र यादव, मिरुवारि नायसंग्रा नरेन्द्र सिं तमार आरो प्रहलाद ज्योसिमोननि नुजाथि फैनायाव गुजरात बिजेपि एमएलए दोलोनि जथुमाव आहमदाबादनि घातलुदियानिफ्राय एमएलए जानाय भुपेन्द्र पाटेलखौ दैदेनगिरिबो सायख'नाय जादंमोन। गुजरातनि गिबि मन्थि जानाय भुपेन्द्र पाटेलआ 5 थि पाटिदार समाजनि जादं। मख'नो गोनांदि, गुजरातनि सायख'जानाय गिबि मन्थि भुपेन्द्र पाटेलआ दिने समायखिरा लानाय हाबाफारिनि सिगां आहमदाबादआव बिजेपिनि दैदेनगिरि निति पाटेलजॉ लोगो हमलायदं आरो बेनिफ्राय खुंथायनि सायाव सावरयलायो। बेनि सिगां गुजरातनि सायख'जानाय गिबि मन्थि भुपेन्द्र पाटेलआ गान्धि नगराव गिबि मन्थि थाग्रा खुलियाव बिजय रुपानिजॉ लोगो हमलायदंमोन। लोगोसेनो गुजरातनि लेखाइ गिबि मन्थि निति पाटेलआ भुपेन्द्र पाटेलखौ गिबि मन्थि जानाय हामब्लायथि हरदं।

आसाम बिजेपिआ राइज्योनि मोन 12 जिल्लानि थाखाय

गोदान आफादगिरिफोरनि मुं फारिलाइ फोसावबाय

तामुलपुर जिल्लायवाव बिक्टर दास, तिनसुकिया जिल्लायवाव कृष्ण कान्त बर' आरो उदालगुरि जिल्लायवाव सुनिल बसुमतारिमोनखौ गोदान आफादगिरि महरै सायख'यो। गोदाने आफादगिरि मासिनि थाखाय सायख'जानाय साफ्रोमबो बिबानगिरिफोरा जाहाथे बिजेपि हान्जानि नेमखांथि, आबुथि आरो आदर्शखौ मानिनाने सोलिनायनि गेजेरजॉ गावबा-गावनि जिल्लायवाव गोथारै खामानि मावलाडो आरो बिजेपिनि गोहोखौ गोखौंथि खालामो बेनि थाखाय मिजिथिनाय फोरमायो आसाम बिजेपिनि आफादगिरि भवेष कलितया।

तामुलपुरआव आइजोनि जिउ खहा

अंगि बर'आ थानाय थाम दान नाडैनो प्रेसार स्ट्रक जानानै आखाय-आथिं लोर-सोर खालामनो हायै जानानै दंमोन। दिने फुनि समाव बिस गोनां मुलि जानायनि जाउनाव हरखाबै देहानि थासारिया गात्रि जानायवा बिथांखौ तामुलपुर गुदि देहा फाहामसालिसिम लानाय जायोब्लाबो लामायावो जिउ गोमायो। बिथांखि रूसारि जालानायनि खौरं मोन्नाय लोगो लोगोनो नखरनि सुबुं, बाय-बाहागि, ओन्सोलनि अनसायगिरि सुबुं आरो गुबुन गुबुन दोलो-आफादनि सुबुंफोरा दुखुथिया नखराव खौरं लाहैनाने मान बाउहोनायजॉ लोगोसे गोथौ दुखु मोन्नाय फोरमायहैयो। दिने ओन्सोलनि राइजो-राजाफोरनि हेफाजाबाव आइजोखौ जोबथा मान बाउनाय जायो। मुंदांका धोरोम सिबिसुलि आइजोआ थैनाय समाव फिसाइजॉ लोगोसे सानै फिसाज्जला, सानै बिहामजो आरो फिसौफोरखौ बे संसाराव अरायनि थाखाय नागरलाडो।

तामुलपुरआव गिखंथाव लामानि

जाब्रबथायाव सासे सुबुंनि जिउ खहा

गोबारै खारनायनि जाउनाव सांब्लायथाय खोमानाने दालानि रेलिडव सौग्रावहैयो। जाउनाव मटर साइकेल सालायगिरि 28 बोसोर बैसोनि भाइर किस्कुआ जायगायावो जिउ गोमायो। मिथिनाय बादिब्ला भाइर किस्कु आरो गुबुन सासे सुबुं नितुमनि कलितआ लोगोफोरजॉ नाग्रिजुलिसिम बेरायनो थानंमोन। गुबुन फासैथिं बे जाथायाव गोब्राबै जोखोम जानाय नितुमनि कलितआखौ खातारवारि रज्योयारि देहा फाहामसालिसिम लानाने थाडोब्लाबो गोजौ फाहामथायनि थाखाय गुवाहाटीनि जि एम सि ऐइससिम दैथायहरो। बेराफासै जाथायथिलियाव नाग्रिजुलि पुलिसआ नुजाथिहैनाने जिउ गोमानाय भाइर किस्कुनि गोथै सहखौ तामुलपुर पुलिस थानायाव लाना थाडो आरो गोथै सहखौ पस्ट मर्टेम आन्जाद खालामनो थाखाय मुसलपुरसिम दैथायहरो।

मुसलपुरनि अजय कुमार शर्माखौ

आसाम गौरव-2021 जॉ मान बाउदं

सिगां गुवाहाटी प्रेस क्लाबाव खुंफुनाय बान्था गथायनाय हाबाफारियाव बे बान्थाखौ गथायनाने होयो दक्षिणपाट सत्रनि सत्राधिकार जनार्दन देबगस्वामीआ। मख'नो गोनांदि बाक्सा जिल्लानि अह'पा गोजौ फरायसालिआव दानबान्था गैया लासेनो थाम बोसोरनि बांसिन सम बिगियान फोरोंगिरि महरै फोरोंनायखौ जागायजेन्नाय अजय कुमार शर्माआ उनाव फारिये थमना धुलिगुरि गुदि फरायसालि, थमना गुदि फरायसालिआव फोरोंथाय होनाने आथिखालाव गोदान सादेरि गुदि फरायसालियाव गहाय फोरोंगिरि महरै खामानि मावगासिनो दं। अजय कुमार शर्मानो बे बान्था गथायनायाव महकुमानि गुबुन गुबुन आफाद-फसंथानआ रंजाखांनाय फोरमायनाने शर्मानो हामब्लायथि बाउहरदं।

काशिकत्रायाव श्रीश्री दुर्गा फुजा

खुंफुंगोन, बान्जाय आफाद दाबाय

गोनांदि, आफां आसामनि गेजेराव मिथिसारजानाय चिरं जिल्लानि बासुगाव सहराव गासै मोन 20 निफ्रायबो बांसिन जायगायाव दुर्गा फुजा गेदेथार हाबाफारिजॉ खुंफुनो लाहार-फाहार जानायखौबो मिथिनो मोन्नाय जादं। बे खेबाव कभिड-19 नेमखांथि मानिना दुर्गा फुजाखौ फालिगोन होनाने सान्ना लानाय जादं। जिल्लानि सिडव थानाय सिदली, काजलगाव, गरुभाषा, रुनिखाता, सान्तिपुर, बेंटल, बरतला, धालिगाव, दांतल बायदिफोरखोबो दुर्गा फुजाखौ खुंफुनो लाहार-फाहार जादं। बेनि अनगायैबो आफां आसाम कक्राझार जिल्लानि सालाकाटि पुलिस आउट पर्टनि सिडव थानाय लालतारि गामिनि श्री श्री राजाताकुर दौल मन्दिर लांगोनायावबो 200 बोसोर आबुं जानाय मुर्ति महराव राजा खुंथाय साननि गोदो-गोदायनिफ्रायनो सोलिबोनाय दुर्गा फुजाखौ गुबुन गुबुन बोसोरनि बायदि बे खेबावबो फालिनो लाहार-फाहार जादं। ओन्सोलनि सालाकाटि बान्दरसर, हेनबिल, सेदामारि बायदि जायगाफोरखोबो गुबुन गुबुन नेमखांथिजॉ दुर्गा फुजाखौ फालिनायनि थि लानाय जादं होन्ना मिथिनो मोन्नाय जादं।

पषन दान 2021 जॉ लोब्बा लाखिनानै

उलुबारिआव सांग्रांथियारि मेल खुदं

हेफाजाबगिरिफोरनि नुजाथिनायाव उलुबारि मिरुआव दिने पषन दान 2021 खौ फालिनाय जायो। बे हाबाफारिनि गेजेरजॉ गोरबोआव गथ' गोनां आइजोफोरनि सावस्त्रिनि गोरखौंथिनि सोमोन्दै सांग्रांथियारि हाबाफारि लानाय जायो। 5 नं सार्कलनि मोन 20 अंगनबादि मिरुनि गहाय सिबिथायगिरि हेमप्रभा दासआ जरखायै गोरबोआव गथ' गोनां आइजो आरो गथ'सानि सावस्त्रि गोरखौंथिनि सायाव बिबुंथि लाखिनायनि अनगायैबो गथ'साफोरनि सावस्त्रि आन्जाद खालामनाय, बैसोनि आन्जाद, लरिथाय आरो थि महरै आन्जाद खालामनायनि सोमोन्दै सावरयलायनाय जायो। अंगनबादि मिरुफोरनि मावफारिया-हेफाजाबगिरिफोरखौ गामियारि गथ'सा रो गोरबोआव गथ' गोनां आइजोफोरा जाहाते रज्यो सरकारनि समाज अन्सायनि गुबुन गुबुन बिथांखिनि मुलाम्फाफोरखौ सम बायदिये मोनहोनो हानायनि सायाव जाफुंसार महरै बिथांखिफोरखौ गायसन्ने हायो बेनि सायाव नोजोर लाखिनो खावलायहरो।

रन्जित खेरकातारिआबो भवानिपुर बिधान

सभा बियाबनि उफ्रा बिसायख'थियाव

नागरानाने बिजेपिआव हाबफैनो आरो गवानि एम एल ए बिबानखौ एंगारनायनि उनाव भवानिपुर बियाबआवबो उफ्रा बिसायख'थिया खुंजानो थंगासिनो। बे हिसाबै भवानिपुर बियाबनि थाखाय ए आइ इड डि एफनिफ्राय बिजाथि महरै बिसायख'थिनि दावहायाव ओंखरनो जान्जि खाफ्रादं रन्जित खेरकातारिआ दिने खौरं बिजॉनि गेजेरजॉ बिथाड राइजो-राजाफोरनि हास्थायनाय बायदिये ए आइ इड डि एफनिफ्राय टिकेट मोन्ने हास्थायनायखौ रोखायै फोरमायथिदं। लोगोसे बे खेबनि उफ्रा बिसायख'थियावबो ए आइ इड डि एफ दोलोनि बिजाथियानो ब्रैथि खेबनि थाखाय भवानिपुर बिधान सभा बियाबयाव फिन देरहाफिनो हागोन होनाने खौरंगिरिनि सिगाडव फोरमायो बिथां रन्जित खेरकातारिआ।

बशिष्टश्रम मन्दिरनि मेल जथुमसालिनि गोदानै

लुफुंफिन्नायनि अन्थाय खाम्फा गायसन्दं

मोनसे पार्कखोबो हाबाफारि बायदिये बेखेवना होयो। अन्थाय खाम्फा गायसन्नाय हाबाफारियाव नुजाथि फैनाय सिबियारि राइजो-राजाफोरखौ बान्जायनाने गिबि मन्थि ७ शर्माआ बुंथियोदि, मठ-मन्दिर, मन्दिरफोरा धोरोमारि आरो जारिमिनारि नोजोरनिफ्राय जर'खा बिफाव होबोदं। बे मठ-मन्दिर आरो आश्रमफोरा जॉनि हारिमुवारि जारिमिनखौ जेरजिबोदं। बेनि थाखायनो बेफोरखौ सैरेखाथिनाय आरो गुदि बिथाखौ गोखौं खालामनाया गोनांथार। गिबि मन्थि ७ हिमन्त बिश्व शर्माआ लोगोसे बुंथिबावदेंदि, बशिष्टश्रम मन्दिर जारिमिनारि बिफावखौ सोरजिबोदं। राइज्यो सरकारा बशिष्टश्रम मन्दिरखौ धोरोमारि दावबायग्रानि मोनसे मख'जाथाव जायगा महरै सोरजिनायनि थाखाय आथिखालाव बिथांखिखौ थि खालामदं आरो थारैबोनो बे मन्दिरआ मोनसे गोदान महर लागोन होनानेबो गिबि मन्थिआ बुडो। गिबि मन्थि ७ शर्माआ कामरुप नोगोरमानि जिल्ला बेंगिरि बिश्वजित पेगुखौ दावबायग्रा आरो पिडाब्लिउडि बिफानखौ लोब्बा जाहोनाने मास्टरफलेन्टखौ मावफुंनानयनि बिथिडव नांगो बायदि थांखि लानो थाखायबो बिथोन होयो। गिबि मन्थिआ लोगोसे गागि समाज सिबियारि अनुपम शर्मा आरो प्राग निउजनि गहाय सामलाय बिथोनगिरि ७ सन्जिब नारायणमोनहा मन्दिरनि गुदि बिथाखौ जौगाखां होनो थाखाय थांखि लानायफोरखौ साबायखर बाउनायजॉ लोगोसे जरखायै मानबाउयो। दिनेनि बे हाबाफारियाव बशिष्टश्रम मन्दिरनि गहाय फुजारि गिरिन्द्र महन शर्माआबो बिबुंथि होदं। दिनेनि बे हाबाफारियाव कामरुप नोगोरमा जिल्ला बेंगिरि बिश्वजित पेगु, प्राइड इष्ट इन्टरटेनमेन्ट प्राइभेट लिमिटेडनि आफादगिरि आरो सामलाय बिथोनगिरि रिनिकि भुजा शर्मा, गागि समाज सिबियारि अनुपम शर्मा आरो प्राग निउजनि गहाय सामलाय बिथोनगिरि ७ सन्जिब नारायणमोननि अनगायैबो गोबां अन्जिमनि मान गोनां सुबुंफोरा नुजाथि फैदंमोन।

माहारियारि गाइखेर जौगाखां परिसदजॉ गिबि

मन्थिआ गोनांथार सावराय जथुम खुदं

जागायजेन्नायावनो माहारियारि गाइखेर जौगाखां परिसदनि मासिगिरि मिनेस साहआ गायनजानाय बिथांखि आरो बे खोन्दोआव नाजावनो गोनां गुबुन गुबुन बिथांखिफोरनि सायाव मोनसे प्रेजेन्टेसन होयो। जथुमाव गिबि मन्थिआ रज्योव खौसेयै नाजानाने गाइखेर जौगाखां खोन्दोनि जौगाथायखौ सरासनन्ना महरै माहारियारि गाइखेर जौगाखां परिसद आरो रज्यो सरकारनि हेफाजाबाव मोनसे जुथाय कम्पानि गायसन्ने गोनांथिजानाय राहाफारि लानो ताखाय एन डि डि बिनि मासिगिरिआ खावलायनायजॉ लोगोसे बे बिथिडव गासैबो रोखोमनि हेफाजाब होनो थाखाय जुनाद फिसिथाय आरो जुनाद फाहामथाय बिफाननो बिथोन होयो। बिथाड बुंडेदि समान अन्जिमनि बाहागोजॉ दाजानो गोनां बे जुथाय कम्पानिनि मासिगिरि जागोन रज्यो जुनाद फिसिथाय आरो जुनाद फाहामथाय बिफाननि मन्थिआ। एन डि डिनि सासे गागि बिबानगिरिआ कम्पानिनि सामब्लाय बिथोनगिरिनि बिबान सामब्लायगोन। फैगौ अक्टबर दाननि गेजेराव गोनांथि जानाय गासैबो खामानिफोरखौ मावफुंनो थाखाय गिबि मन्थिआ बिथोन होयो। फैगौ नभम्बर दाननि गेजेराव बे कम्पानिआ खामानि मावनायखौ जागायजेनगोन। बेनि जाउनाव रज्योयाव गाइखेरनि जांखिथाया गोदान महर मोननायजॉ लोगोसे गाइखेर दिहुनगिरिफोरा मुलाम्फा मोनोनो हागोन होनाने बिथाड बुडो। रज्योयाव गाइखेरनि जांखिथायखौ जागायजेन्नायनि थाखाय आरो जुनाद फिसिग्रा गासैबो जाहाते गहाम बेसेन मोननो हायो, बे बिथिडव बांसिने गोनांथि होनाने गिबि मन्थिआ बेनि थाखाय रज्यो सरकार अनसुंथाय गथायगोन होनाने बुडो। फैगौ 5 बोसोरनि गेजेराव रज्योयाव सानफ्रोमबो 10 लाख लिटार गाइखेर दिहुनो हानाय बायदिये गोनांथि जानाय राहापारि लानो बिथाड एन डि डि बिनि बिबानगिरिफोरखौ बुडो। बेसेन सोदांनो हानाय बायदि रज्योयाव दिहुनजानाय गाइखेरनि फुंखा लुफुंथायखौ गोहो गोरसिन खालामनायनि सायाव गिबि मन्थि गोनांथि होयो। दिनेनि बे जथुमाव जुनाद फिसिथाय आरो जुनाद फाहामथाय बिफाननि मन्थि अतुल बरा, एडिसनेल चिफ सेक्रेटारि मनिन्द्र सिंह, गिबि मन्थिनि चिफ सेक्रेटारि समिर कुमार सिनहा, एन डि डि बि नि मासिगिरि मिनेस साह, पिजनेल हेड जिगनेस साह, पुरथि डायेरिनि सामब्लाय बिथोनगिरि आरो जुनाद फिसिथाय आरो जुनाद फाहामथायनि गोजौ थाखोनि बिबानगिरिफोराबो बाहागो लादंमोन।

बिजयसिं नारायण ब्रह्मसारिनि 75 थि

थैनाय सान फालिदं

मासि सामलायनायाव खुंफुंजानाय मेलयाव ब्रह्मसारिनि जिउनि सायाव सुजुजानाय बिजाबनि आयदायाव बिबुंथि होयो आस्त्रमनि लोगो गहाय नेहाथारि प्रानेश्वर बसुमतारिया। गहाय नेहाथारि महेश्वर ब्रह्मआ थांखिलाइ लानाय बिबुंथि होनाय मेलयाव गहाय आलासि महरै नुजाथि फैना बिबुंथि होफैयो गसाइगाव फरायसालिमनि गोरायुं ७ कुदुम रन्जन बसुमतारिया। हाबाफारियाव स्वरुपस्थिति प्रसार संसद (सा-सान्जानि) नि गसाइगाव जिल्लानि गहाय समरेन नार्जारी, जिल्लानि गहाय जयन्त कुमार ब्रह्म, गसाइगाव ब्रह्म सेवास्रमनि गहाय बिस्वनाथ नार्जारी, स्वरुपस्थिति प्रसार संसदनि बोसोनगिरि घनस्मा बसुमतारिमोनजॉ लोगोसे खायसे गागि सुबुंफोर आरो धोरोम सिबियारि राइजो-राजाफोरा नुजाथि फैदंमोन।

किरन फाउन्डेसन उडभिं स्पेन्टावउआ बेव्खेवजाबाय



कलाइगाव, 17 सेप्टेम्बर:

उदालगुरि जिल्लानि 35 नं मुदैबारि बिटिसि गौथुमारि बियाबनि सिडव थानाय निज मगल बेसआव मैया रबिबारखालि किरन फाउन्डेसन दानाय-लुनाय, उडभिं सेन्टारखौ बिटिसिनि गहाय मावफुं सोद्रोमा प्रमद बर'आ नुजाथि फैनायै बेखेवफैयो। मख'नो गोनांदि, मिसेस इडनिभार्स बान्था मोन्नाय किरन बर'आ गवानि गामि निज मगल बेसआव 2015 माइथायावनो गायसन्नाय किरन

फाउन्डेसनखौ बेखेवनायाव निज मगल बेसनि दर 5 गामिफोरजॉ लोगोसे बिटिसिनि सिडव थानाय गोबां आइजोफोरनि थाखाय गाव-गावसिनि आथिडव गसंथानो हानायनि थाखाय लामा दिन्थिदं। किरन फाउन्डेसननि दानाय-लुनाय उडभिं सेन्टारनि जुनै बिटिसिनि दर 4 जिल्लायानो मुगानि मेकला सादोर, गामसा, आरनाइनि अनगायै औवानि कार्पेट, बायदि जि-जोमफोरखौ हाथायाव बायनो मोनगोन। गुबुन फारसे,

बिटिसिनि गहाय मावफुं सोद्रोमा प्रमद बर'आ किरन बर'नि बे नाजानायखौ नुजाथि फैनायै हामब्लायथि होफैदं। बिटिसिआव हेन्डलुम आरो टेस्टाइलखौ गोनांथि होगोन होनानेबो प्रमद बर'आ बुंथियो। लोगोसेनो मिसेस किरन बर'नि उडभिं सेन्टारखौ जौगाखां होनायनि थाखाय 10 लाख रं होनायनि बाथाखौ फोसावना होयो गहाय मावफुं सोद्रोमाया। किरन फाउन्डेसन, दानाय-लुनाय, उडभिं सेन्टार बेखेवनाय हाबाफारियाव बि टि सिनि लेखाइ गहाय मावफुं सोद्रोमा गबिन्द बसुमतारि, मावफुं सोद्रोमाफोर दिगन्त बरुवा आरो ७ निलुत स्वर्गियारिमोनहाबो नुजाथि फैदंमोन।

सलमान खानआ तुर्कीनिफ्राय सावगारि सेयार खालामदों

मुम्बाइ, 13 सेप्टेम्बर : फावखुंगुर सलमान खानआ टाइगर 3 नि सुटिआव नांथाबनानै दड। सावथुनआव बिजों लोकोसे केटरिना केफखौ नुनो मोनगोन। बियो आधिखालाव तुर्कीआव दड। सावथुनखौ लानानै फेन्सफोरा दानिफ्रायनो गोबां उसु-खुथु जादों। बावैसो समाव सलमान खानआ फेन्सफोरनो सारप्राइज होदों आरो तुर्कीनिफ्राय गोदान सावगारिखौ सेयार खालामदों। बियो गोसोम गानि हुडी ड्रेस गान्दों आरो रेलिआव गसनानै ऑखारबोनाय



सानखौ नायहरदों। बियो जेराव गसंदों बेनिफ्राय सहरनि समायना नुथायखौ नुयो। सलमाननि बे सावगारिखौ संगीता बिजलानीआ लाइक खालामदों। बेनि अनगायै अर्जुन बिजलानी आरो मनीष पलआ कमेन्ट खालामदों। 1 च्यायाव 4 लाखनिफ्राय बांसिन सुबुंफोरा सावगारिखौ लाइक खालामदों। टाइगर 3 नि हान्याया तुर्कीनि Cappadocia याव सुटि खालामदों। सलमान खान आरो केटरिना केफनि गेजेराव बेवहाय रमान्द्रिक् नाम्बाखौ बानायनाय जागोन। थानाय सानफोराव सलमान खान आरो केटरिना केफआ तुर्कीनि हारिमु आरो दावबायारि मन्थि मेहमत नुरीजों लोगो हमदोंमोन। मेहमत नुरीआ इन्सटग्रामआव सलमान केटरिनाजों लोगो हमनायनि सावगारिखौ पस्ट खालामदोंमोन। बियो बुंदोंदि, तुर्कीआ हारिमायारि स्टारफोरखौ आलासि बायदि फुजिबाय थागोन। मख'नो गोनांदि, टाइगर 3आव सलमान खान आरो केटरिना केफनि अनगायै इमरान हाशमीबो दड। बेवहाय बियो नेगेटिभ फाव खालामगोन। सावथुनखौ मनीष शर्माया बिथोन होदों आरो बेखौ यश राज फिल्मसआ प्रडिउस खालामदों। टाइगर 3 आ फैगौ बोसोराव रिलिज जानो हागौ।

बिद्युत जामवालआ डिजाइनार नन्दिता महतानीजों लोगोसे आस्थाम सोनायखौ रोखा खालामबाय



मुम्बाइ, 13 सेप्टेम्बर : बे समाव बिसोर सा 2 आ बेनि कमान्ड'नि मुंदांखा फावखुंगुर बिद्युत जामवाल आरो फेसन डिजाइनार नन्दिता महतानीआ गावसोरनि आस्थाम होनायखौ रोखा खालामबाय। थानाय सानआव बिसोरनि आस्थाम सौनायनि खौराड बै समाव फैदों जेव्हा बिसोरनि सावगारिफोरा सोराडव फैदों, जेराव बिसोरनि ताजमहलनि सिगाडव गसनानै पज होनायखौ नुनो मोन्दों। नन्दितानि आस्थामआ साफ्रोमोनि नोजोरखौ बोदों।

अर्जुन कापुरनि गोदान भिडिअखौ नुनानै मलाइका आरड़ाया जावलिया जादों

गोदान दिल्ली, 13 सेप्टेम्बर:

सावथुन फावखुंगुरि मलाइका आरड़ा आरो अर्जुन कापुरआ लगावसोरनि एफेयारखौ लानानै आधिखालाव खौराडव थादों। बिसोरों सम सम लोगोसे स्पट जायो, बेनि अनगायै ससेल मिडियाआवबो उदाडै गावजों गावनि सावगारियाव कमेन्ट खालामो। बावैसो समाव अर्जुनआ गावनि इनस्टग्रामआव गावनि मोनसे भिडिअखौ शेयार खालामदों, जायनि सायाव मलाइकाया आरोबाव खनसे जावलिया जादों। बे भिडिअआव अर्जुन कापुरखौ गोबां स्मार्टबो नुनो मोन्दों। बेबादियाव मलाइकानि जावलिया जानाया गोनांथार। मख'नो गोनांदि, भिडिअआव अर्जुनखौ हेयार सेसन लानाय नुनो मोन्दों। भिडिअआव नुनो मोनबावदोंदि, अर्जुनआ शुटिनि थाखाय थियारि जादों, बेनि सिगां बनि हेयार स्टाइलिस्टआ बनि खानायखौ आरोबाव मोजांसिन लुक होदों आरो मेकआप आर्टिस्टआ बिखौ मेकआप खालामदों। बे समाव फावखुंगुरआ गोसोम गावनि जेकेट आरो पेन्ट गान्दों, जेराव बिखौ गोबां स्मार्ट नुनो मोन्दों। भिडिअखौ शेयार खालामनानै अर्जुनआ लिरदों, लाइटस, केमेरा, एक्सननि सिगां। अर्जुन कापुरनि भिडिअआव बनि गार्लफ्रेन्ड



मलाइका आरड़ा, फावखुंगुरि तारा सुतारिया, हुमा कुरैशी आरो मुंदांखा हेयार स्टाइलिस्ट आलिम खानआबो कमेन्ट खालामदों। मलाइकाया कमेन्ट खालामनानै जेबो लिराखै, नाथाय अरनि इमजी बानायदों, जाय बेखौ फोरमायनो थाखाय थोजासेदि अर्जुनखौ गाव हट मोनो। मख'नो गोनांदि, अर्जुन कापुर आरो मलाइकाया गोलाव समनिफ्राय गावजों गाव डेट खालामदों, नाथाय जागायजेनायाव बिसोर सानैआ गावसोरनि सोमोन्दोखौ सरासन्हा खालामाखैमोन। नाथाय आधिखालाव बिसोर सानैनि रिलेसनसिपआव सरासन्हा जाबाय। आतिखालाव फेन्सफोरा बिसोरनि जुलिया माल्ला जागोन बेखौ नेनानै दड।

खतरों के खिलाड़ी 11 नि सेमि फाइनलाव लान्थियै नैथि एलिमिनेसन जादों

मुम्बाइ, 13 सेप्टेम्बर: खतरों के खिलाड़ी 11 आ गावनि जोबथा थाखोआव दड। रहित शेटीनि स्वखौ नायगिरिफोरा गोबां रेस्पन्स होदों। थानाय शनिबार आरो रबिबारखालि सेमिफाइनलनि सप्ताह जादों। बे समाव सासेनि अनगायै सा 2 बादायारिफोरा एलिमिनेट जादों। गिबियाव अभिनभ शुक्लाया स्वनिफ्राय बाइजोआव जानो गोनां जादों। बेनि उनाव रबिबारखालि आरोबाव सासे बादायारिआ स्वखौ बिदाइ लादों। वरुण सुद, स्वेता तिवारी



आरो सना मकबुलआ फियार फन्दा मोन्दों। एलिमिनेसन राउन्डआव बिसोर साथामनि गेजेराव बादायलायनाया जादों। एलिमिनेसन राउन्डआव ट्राक स्टान्टआ जादोंमोन। गनै ट्राकआ लोगोसेयै खारदोंमोन। बादायारिआ गंसे ट्राकनिफ्राय गुबुन गंसे ट्राकआव बाबुमनांगोमोन आरो बेवहाय लागायनाय 1-1 प्लेगखौ दिहुन्नानै सिगांनि ट्राकआव फैनगोमोन। बयनिखुइबो गिबि टास्कनि थाखाय वरुण सुदआ थादों। बियो बयनिखुइबो बांसिन प्लेगखौ दिहुन्दों। नैथि नम्बरआव श्वेता तिवारीआ थादों आरो थामथि नम्बरआव सना मकबुलआ थादोंमोन। बयनिखुइबो खम प्लेगखौ दिहुन्नायनि जाहोनाव बियो स्वनिफ्राय बाइजोआव जानांदों। रहित शेटीआ सनाखौ बाख्नायदों आरो बुंदोंदि, बियो गावनि स्टान्टजों माखासे खेब गोहो होदों। बियो बेसिम सौफैदों बेनि थाखाय बियो गुण गोनां। सनाआ स्वनिफ्राय थानायनि उनाव आधिखालाव 6 बादायारिफोरा फाइनलाव सौहैबाय। दिव्यांका त्रिपाटिआ सिगाडवने टिकेट टु फाइनलखौ देरहानानै सौहैखांबाय। बेनि अनगायै श्वेता अर्जुन बिजलानी, बिशाल आदित्य सिं राहुल बेदय आरो वरुण सुदआ दड।

गाहाम देहानि राहा

हाबा जाखांनाय हौवाफोरा किसमिस जायोव्ला गोबां मुलाम्फा मोनगोन

किसमिसआ देहानि थाखाय गोबां मुलाम्फा होयो। बेखौ नेमखान्थि बायदियै जानायजों माखासे बेमारफोरनिफ्राय रैखा मोनो हागौ। बेयो गोहोखौ बारायहोनायजों लोगोसे इमिउनिटिखौबो स्ट्र खालामो। बेयाव गोबां बिबानि आयरन मोननाय जायो। बेनिखायनो बेखौ फुडव उदै खालियाव जायोव्ला देहायाव थैनि बिबाड बडो। बेनि अनगायै बेयाव भिटांमिन बि कमप्लेक्सखौबो गोबां बिबानि मोननाय जायो, जायजों थैनि थानाय फैलाय खालामनायाबो गाहामै थायो। किसमिसआ प्रटिन, फाइबर, आयरन, पटैसियम, कपार भिटांमिन बि 6 आरो मेगनिजजों लोगोसे माखासे गोनां जानाय देरहोरा लावहोरा गुनफोर थायो। मुंदांखा आयुर्बेदिक डा: अबरार मुल्तानीनि बायदिव्ला किसमिसआ माखासे बेमारफोरखौ जानगार खालामो। बेनिखायनो बेगंफोरा लोरबांव्ला किसमिस जानांगौ बनि अनगायैबो हौवाफोरनि देहानि थाखाय बेयो मुलि महरै




फोरमान जायो। किसमिसखौ सोमनानै जानायजों बांसिन मुलाम्फा मोनो, मानोनो बेखौ सोमनानै जानायजों बेनि सिडव थानाय गुनफोर साबसिन जायो। (1) जुदि खि गोर खिनाय एसिडिटी आरो मैनयानि जेना जादोंव्ला, किसमिसआ गोबां मुलाम्फा होनो हागौ। (2) बेयाव भिटांमिन बि कमप्लेक्स मोनाय जायो, जायजों उदैयाव थैनि आंखाल जाया। (3) जुदि लोरबां आरो रानथें देहाजों भुगिनांदोंव्ला डाइटआव किशमिसखौ लाफानो हागोन। मानोना किसमिसआव फ्रुक्टजों बुंफबनाय जायो, जाय देहानि लिरथाय बाराय होनायाव मदत खालामनो हागौ। (4) किसमिस जानायजों व्लाड प्रेसरआ कन्ट्राल थायो। मानोना बेयाव थोंजासे बिबानि पटैसियम मोननाय जायो, जाय हाइपारटेन्सननिफ्राय रैखा खालामनायाव मदत खालामनो हागौ। (5) किसमिसआव एन्टि-अक्सिडेन्ससआ गाहाम बिबानि थायो, जाय इमिउनिटिखौ गोखों खालामनायाव मदत खालामो। बनिखायनो सानफ्रोमोबो सोमनाय किसमिस जानाय देहानि थाखाय मुलाम्फा गोनां जायो।

महिमा चौधुरीनि जोनोम सानआव बिनि माखासे बाथाफोरा सोराडव फैदों

गोदान दिल्ली, 13 सेप्टेम्बर:

बलिउड फावखुंगुरि महिमा चौधुरीआ गावनि जोनोम सानखौ 13 सेप्टेम्बरखालि फालियो। बियो बलिउडनि माखासे फावगिरिफोरजों लोगोसे हिट सावथुनफोरखौ होखांबाय। आधिखालाव महिमा चौधुरीआ सावथुनफोरनिफ्राय गोजानाव थादों, नाथाय मोनसे समआ एरबादिमोन जेव्हा बनि फेन फलईआ गोबां दडमोन। सावथुन मुलुगआव आगान होयैनि सिगां बनि मुडा रिठु चौधुरीमोन। महिमा चौधुरीआ 1973 आव दार्जिलि (सोनाब बंग) आव जोनोम जादोंमोन। बियो गावनि सोलें थाय लानायखौ दार्जिलिनिफ्रायनो जागायदोंमोन। बलिउडआव बियो गावनि केरियारखौ फोसावदिं खालामनायजों जागायदोंमोन। महिमा चौधुरीखौ 1990 आव टिभि फोसावदिं खालामनायफोराव नुनो मोन्दोंमोन। बै समावनो महिमा चौधुरीनि कल्ड ड्रिंक फोसावदिंआ गोबां हिट फोरमान जादोंमोन। बे फोसावदिं खालामनायाव बिखौ



आमोर खान आरो एश्वर्य राय बचनजों लोगोसे नुनो मोन्दोंमोन। बे मोनसे पपुलार फोसावदिंजों बियो न'-न'आव सिनायथि मोनो हादोंमोन। बेनि उनाव महिमा चौधुरीआ थाबैनो मोनसे मिउजिक चनेलजों भिजेनि महराव थाफादेरदों। जेव्हा बियो भिजेनि महराव हावाफारि मावदोंमोन अब्ला बै समाव सावथुन बानायगिरि आरो बिथोनगिरि सुभाष धइनि नोजोरआ बनि सायाव गोरलैयो। बै समाव सुभाष धइआ शाहरुख खानजों लोगोसे परदेश सावथुननि थाखाय हिखनखौ नागिरदोंमोन। सल'नि बादिव्ला, बनि गामिनि सासे सरासन्हा गुरै आखुनि सुबुं आरो गोदान महरखौ नागिरनाया थारैनो महिमानिसिम फैनानै आबुं जायो आरो बे रोखोमैनो महिमानि बलिउडआव दावबायनाया जागायो। सुभाष धइआनो रिठु चौधुरीनो गोदान मुं महिमा चौधुरी होदोंमोन। बियो परदेशनि थाखाय गासै 300 आइजोफोरखौ अडिशन लानायनि उनाव महिमाखौ सायख'दोंमोन।

सिद्धार्थ शुक्लानि एखे महर मोखां नुनाय फेननि भिडियफोरनि भाइरेल जादों

मुम्बाइ, 13 सेप्टेम्बर : इन्सटग्रामआव चन्दन मुनि सिद्धार्थ शुक्लानि फेन्सफोरा बनि थैनायनि दुखु मोननायनिफ्राय बायजोआव ऑखारबोना होयाखै। बिसोरों बनि गोजाम भिडियफोरखौ नुनानै गोसोखौ सुगलायहोदों। बेनि गेजेराव सिद्धार्थ शुक्लानि सासे महर एखे सुबुंआ खौराडव थादों।

इन्सटग्रामआव चन्दन मुनि सुबुंनि सायाव सुबुंफोरा सिद्धार्थ शुक्लानि नुथायखे नुनो मोन्दों। चन्दनआ गावनो सिद्धार्थनि फेन आरो गोबां समनिफ्राय बनि स्टाइलखौ सोलेंबोदों। बियो बनि राव दानस्लायनाय भिडियफोरखौबो बानायो। चन्दननि भिडियफोरखौ सिद्धार्थ शुक्लानि फेन्सफोरा



भिडियफोरखौ नायनानैनो गाव गावनि गोसोखौ सुगलायहोदों। बेनि गेजेराव बनि सासे फेनआव भिडियफोरखौ भाइरेल खालामदों। चन्दन मुनि बे फेननि भिडियफोरनि सायाव माखासे सुबुंफोरा बिखौ सिद्धार्थ शुक्ला बायदि नुयो होन्ना कमेन्ट खालामदों। चन्दनआ शेहेनाज आरो

सिद्धार्थनिबो माखासे भिडियफोरखौ गावनि टाइमलाइनआ सेयार खालामदों। बे भिडियफोरखौ माखासे सुबुंफोरा मोजां मोन्दोंव्ला माखासेआ नेगेटिभ कमेन्टबो खालामदों। सासे इउजारआ कमेन्ट खालामदों, फंबाइ नोंखौ सिड बायदि नुदों। गुबुन सासेआ लिरदों आधिखालाव नॉनि गेजेरावनो सिडखौ नुनो मोनो। फारसेथि गुबुन सासेबावआ कमेन्ट खालामदों सिद्धार्थनि नखल खालामनायखौ बन्द खालामदो, सिड बायदि रावबो गैया। सिद्धार्थ शुक्लाया थानाय 2 सेप्टेम्बरआव थैदोंमोन। रिपर्टनि बायदिव्ला बियो हार्ट एटक जादोंमोन।

चीनआ भारतनि एक्ट-इस्ट पलिसिआव जेंना सोमजिहोदों, कम्बडियाआव 150 मिलियन डलारनि स्टेडियाम बानायनानै होदों

गोदान दिल्ली, 13 सेप्टेम्बर: चीनआ कम्बडियानो 150 मिलियन आमेरिका डलारनि गंसे स्टेडियाम बानायनानै अन्थोब महैर होयो। कम्बडियानि नम पेन्हाव बानायनाय बे स्टेडियामआ मुलुगनि बयनिखुइ देरसिन हिन्दु मन्दिर अंगकर वार्तनि खाथियाव दड। बिबानगिरिफोरा फोरमायनाय बादिब्ला, बेइजिनि फासनिफ्राय होनाय बेयो बयनिखुइ देरसिन गुदि बिथानि अन्थोब। सुलुङव फोरमायनाय बादिब्ला, चीनआ गावनि ट्रिलियन-डलारनि बेल्ट एन्ड रड इनिशिएटिविनि गेजेरजों खोला-सान्जा एशियानि माखासे हादरफोरव इन्व्हेस्ट खालामनानै गावसोरनि गोहोमखौ बारायहोने नाजागासिनो दड। गनायनानै लानाय बादिब्ला, चीननि बे सान्नाय-हनायनि गोहोमआ भारतनि एक्ट-इस्ट पलिसिनि सायाव गोलेगोन, जेराव भारतआ खोला-सान्जा एशियानि हादरफोरजों सबसिन सोमोन्दो खालामनो नाजायो।



भारतनि एक्ट-इस्ट पलिसिनि गाहाय थांखिया खोला-सान्जानि एशिया हादरफोरजों लोगोसे गावसोरनि सोमोन्दोफोरखौ साबसिन बानायनाय। मख'नो गोनांदि, 60 रोजा सुबुंफोरनि गोहो थानाय बे स्टेडियामआ चीननि ट्रिलियन-डलारनि बेल्ट एन्ड रड इनिशिएटिविनि गेजेरजों लानाय बयनिखुइ गोदानसिन बिथांखि। कम्बडियानि बिबानगिरिफोरा बुंनाय बादिब्ला, कम्बडियानि राजथानिआव थानाय मरडक

टेक नेसनेल स्टेडियामखौ गंसे नावका जाहाज बायदि नुयो, जाय दरनै हादरनि गोबाव समनिफ्राय सोलिबोबाय थानाय लोगोनै नैसोन। बे स्टेडियामखौ बेनि थाखायनो नाव बायदि बानायदों। मानोना चीननि सुबुंफोर कम्बडियाआव नावजों दावबायामोन। बेराफासै भारतनि नोजेराव अंगकर वाट मन्दिरेआ बेनि थाखायनो मख'जाथाव। मानोना गासै मुलुगनाडै थानाय

बेयो हिन्दुफोरनि बयनिखुइ देरसिन मन्दिर। बेनि अनगायै बे मन्दिरआ भारत आरो कम्बडियानि गेजेराव थानाय सोमोन्दोनि नैसोन। बेनि गेजेरजों कम्बडियानि दावबायारि मन्थि थं खानआ बुडे-150 मिलियन आमेरिका डलारनि स्टेडियामखौ कम्बडियाआव बानायनानै चीनआ दासिमनि बयनिखुइ देरसिन अन्थोब होबाय।

सा करियाआ 1500 कि:मि: थांग्रा गुन्द्रासाखौ आन्जाद नायदों

गोदान दिल्ली, 13 सेप्टेम्बर: सा करियाआ गावनि आबुखौ नागाराखै। माखासे सम सिरियै थानायनि उनाव आथिखालाव सा करियाआ जोबोद गोदान जान्थायसिम गावहरनो हाग्रा गोदान मुगानि गुन्द्रासा (मिसाइल)फोरखौ जाफुंसार महैर आन्जाद नायदों। माखासे दानफोरनि उनाव बेयो सा करियानि गिबिसिन बेबादि आन्जाद नायनाय हाबाफारि। सुलुंनि बादिब्ला, बे गुन्द्रासाफोरखौ थांनाय 2 बोसोरनिफ्राय बानायबाय थादोंमोन, जाय आथिखालाव आबुं जाबाय। शनिबार आरो रबिबारखालि उरं जाहाजजों आन्जाद नायनायाव 1500 कि:मि: गोदानसिम गावहरनायाव जाफुंसारनो हादों। सुलुंनि बादिब्ला, गुन्द्रासाफोरखौ जौगाखां होनाया सा करियानि रैखाथिनि थाखाय गोनांथार आरो हादरनो गोहो होयो। बेनि अनगायै हादरआव बानायनाय बे गुन्द्रासाफोरा सुथुरफोरनि सान्थिनो दावहानि हुदा खालामनायखौ



होबथानायवबो मोनसे जर्'खा बिफाव लायो। खोला करियानि जइन्ट सिफ अफ स्टाफआ बुंदों, सान्थिया आमेरिका आरो खोला करियानि सायाव सुथुरनि नेमखान्थि आजावदों होन्नानै दाय जाबसिनबोबाय थादों। सा करियानि गुन्द्रासा आरो बेलिस्टिक गुन्द्रासा

तालिबानआ आफगान सान्थिनि खर' दानसनायखौ लानानै रंजा बाजा खालामदों

काबुल, 13 सेप्टेम्बर : तालिबानआ आफगानिस्ताननि खुंथायखौ सामलायनाय समाव गोजेननि गिदर गिदर बाथ्राखौ बुंदोंमोन। नाथय बिनि आबु दिन्थिनायआ बेबादि जायाखै तालिबान उतखारिफोरनि मोनसे बिडियआ भाइरेल जादों, जेराव बिसोरखौ आफगान सान्थिनि खर'खौ दानसनाय रंजा बाजा खालामनाय नुनो मोन्नाय जादों। 30 सेकेन्डनि बे भिडियआव तालिबाननि सान्थिनि खर' दानसनायखौ आखायआव लानानै पेरेड खालामदों। बे भिडियखौ फोसावनायनि सानावनो तालिबाननि बुंथिगिरि दाबि दैखांदोंदि गावसोर हिंसा खालामग्रा नडा आरो गावनि सरकारआव आइजोफोरनि मोन्थायफोरखौ सम्मान खालामनाय जागोन। बे भाइरेल जानाय भिडियआव तालिबाननि उतखारि मुजाहिदीनखौ हसिखावनाय नुनो मोन्नाय जादों आरो आफगान सान्थिनि



खर'खौ आखायआव लानानै रंजा बाजा खालामदों। भिडियआव हाथियारफोरजों लोगोसे सा 5 उतखारिफोरखौ नुनो मोन्नाय जादों। जेराव सासे उतखारिनि आखायआव थै नांनाय गंनै दाबा सुरिफोर दं। थैनाय सुबुडा डार्क ग्रीन इडनिफर्म गानदोंमोन। बेनि थाखायनो बिखौ आफगान सान्थि होन्नानै हमदांन लानाय जादोंमोन। मख'नो गोनांदि, आमेरिकानि सान्थिआनो बे

इडनिफर्मखौ आफगान सान्थिनो होदोंमोन। गेजेराव तालिबान उतखारिफोर गावसोरनि सुप्रिम लिडरनि जिन्दाबाद, स्लगानबो

होदोंमोन। आफगानिस्तानखौ दखल खालामनायनि उनिफ्राय तालिबाननि गिखंथाव आबु दिन्थिनायनि खौराडा सानफामबो फे बाय थादों बेनि सिगां बियो सासे गर्भबती आइजोफोरखौ बिनि नख'रनि सिगाडावनो बुथारदोंमोन। बेनि अनगायै तालिबान उतखारिफोरा आफगान पुलिस चीफखौबो गात्रि रोखोंमै बुथारदोंमोन। मख'नो गोनांदि, तालिबानआ बे गासिबो सुबुंफोरखौ सायख'ना बुथारदों, जाय आमेरिकानि सान्थिखौ मदत खालामदों।

मिरुनि रैखाथि फसंथानफोरनो सान्थिफोरखौ गोदान ट्रेनि मडेलजों थियारि खालामनो बिथोन होदों: रिपर्ट

गोदान दिल्ली, 13 सेप्टेम्बर: आफगानिस्तानआव तालिबानआ गावसिन इन्टेरिम सरकारखौ दाफुंनयाव जायफोरखौ बिबानआव थिसन्दों, बेखौ नुनानै मुलुगनाडैनो जिंजा सिदों। हमदांनयबो जादोंदि, तालिबानआ जाफुंसारनो हानायनि उनाव उतखारिफोरनि जाथायफोरबो बांनो हागौ। बेनि गोहोमखौ भारतआवबो नुनो हागौ, जायखौ हमदांनानै भारतआ थियारिखौ जागायनो आखाइयाव लादों। भारतआ एन्टि टेररिजिम अपारेसन्सनि थाखाय थिसन्नाय सान्थि हान्जाफोरनो गोदान ट्रेनि होगोन। सुलुंनि बादिब्ला, मिरु रैखाथि फसंथानफोरखौ गावसिन सान्थि हान्जाफोरखौ गोदान ट्रेनि मडेलजों थियारि खालामनो थिन्नाय जादों। सासे बिबानगिरिनि गथायनाय खौरंजों सेबखानाय पिटिआइनि रिपर्टआव बे खौरंखौ सेबखानों। बि दैदेनगिरिनि बादिब्ला, रैखाथि सान्थि हान्जाफोरनि ट्रेनि मडेलआव मोनसे सेगमेन्ट दं आरो बेयो जादों-सेन्जिं डायनेमिक्स अफ बर्डर मेनेजमेन्ट। बेयाव तालिबानजों लोब्बा थानाय खौरंफोर दड। नाथय बेखौ गोबाव समनिफ्रायनो आपडेड खालामाखै। बिबानगिरिआ बुंदोंदि, मुलुगनि थासारिआ सोलायनायनि उनाव बे खौरंखौ आपडेड खालामनो नागिरदों। बेनि गेजेरजोंसान्थि हान्जाफोरनो 9/11 नि उनाव थानाय 20 बोसोरव मा मा सोलायनाय फेदों बेनि सोमोन्दै फोरमायनाय जागोन। बे ट्रेनिखौ बिएसएफ, एसएसबि, राइज्यो पुलिसनि फसंथानफोरजों लोगोसे एन्टि टेररिस्ट डिउटिआव थिसनजानाय जेरै सिआरपिएफ आरो जम्मु-काश्मीर पुलिसनो होनाय जागोन। गोदान ट्रेनि मडेलआव जवानफोरखौ आबुडै आपडेड खालामनाय जागोन। बेयाव तालिबानजों सोमोन्दो थानाय संगालि खौरं, बिसोरनि दावहा नांनाय आदोब-खायदा बायदिफोरखौबो सान्थिफोरनो मिथिहोनाय जागोन। लोगोसेनो तालिबाननि मडस अपारेन्डीआ मा आरो बिसोरनिथाव मा मा सोलायनाय फेदों बेफोरनि सोमोन्दै आबुडै मिथिहोनाय जागोन।

आफगानिस्तानआव आइजोफोरनि धर्नायाव बाहागो लानाय सुबुं मोन्थाय मावसुमाखौ गात्रियै बुदों

काबुल, 13 सेप्टेम्बर: आफगानिस्तानआव तालिबान फेनायनि उनिफ्रायनो सुबुं मोन्थायखौ उदाडै सिफायगासिनो दड। अदेबानि तालिबानआ सुबुं मोन्थायनि मावसुमा हबिबुल्ला फरजादखौ बेनिखायनो गात्रियै बुयो। मानोना बियो काबुलआव आइजोफोरनि मोनसे धर्नायाव बाहागो लादोंमोन। मख'नो गोनांदि, हादरआव तालिबान दखल खालामनायनि उनाव आफगानिस्तानआव समाजयारि मावसुमाफोर आरो धर्ना होग्राफोरनि हेंथायै खालामनाय हिंसायारि जाथाया मोनसे सरासन्हा जाथाय जाबाय। आइजो धर्ना होग्राफोरा हादरआव आफगान आइजोफोरनि थाखाय समान मोन्थायनि दाबि दैखांगासिनो दड। सुलुंनि बादिब्ला, थांनाय बुधवारखालि काबुलआव आइजोफोरनि गेजेरजों खुंनाय धर्नायाव बाहागो लाग्राफोरनि सायाव सुबुंथि मोन्थायनि मावसुमा हबिबुल्लाह फरजादखौ तालिबानआ गात्रियै बुयो। फरजादआ फोरमायनाय बादिब्ला, तालिबानफोरा बिनि आखाइखौ उनजों खानानै बुदों। बेनि उनाव बियो बेहुस जायो। बेहुस जानायनि उनाव बिसोर आंखौ गुबुन खथायाव लानानै थाडे, जेराव माखासे खौरंगिरिफोरजों लोगोसे आरोबाव माखासे सुबुंफोरखौबो जोबथेनानै दोन्दोंमोन। बेनि अनगायैबो तालिबानआ फरजादआव इस्लामनि हेंथायै थांनायनिबो दाय जाबसिन्नाने बुहोदि, बियो इस्लामनि हेंथायै कामानि मावगासिनो दड, बेनिखायनो जोंहा बेबादि सुबुंफोरखौ बुनायनि मोन्थाय दड। काबुलआव दखल खालामनायनि उनिफ्रायनो बे हान्जाया लान्थियै सुबुंथि मोन्थायनि मावसुमाफोर आरो खौरंगिरिफोरनि सायाव नायबिजिरिगासिनो दड, जायफोरा खुंथायनि हेंथायै बाथ्रा बुडे। बे सिगां तालिबाननि इनाय अनगागरनि हेंथायै बाथ्रा बुंघ्रा गुबुन सासे सुबुं मोन्थायनि मावसुमा आरो खौरंगिरि सायरा सलीमआ उतखारि हान्जानि सोद्रोमाफोरा गावसोरखौ नागिरगासिनो दड होन्नानै फोरमायो।

पाटीदार सोमावसारनायजों जानाय खहाखौ बिजेपिआ बावनानै थाडाखै

गोदान दिल्ली, 13 सेप्टेम्बर: गुजराटनि जानो गोनां गिबि मन्थिआ पाटेल फोलेरनिफ्राय जागोन, जायनि हाखौ थांनाय 3 दान सिगां थियारि खालामदोंमोन। थांनाय जुन दानआव खडलधाम एबा पाटीदारनि कुल देबिनि मन्दिरआव पाटीदारनि मोननै हान्जा लेडवा आरो कडवा पाटेलआ फेगौ 2022 नि बिसायख'थिनि सायाव सावरायनानै थि खालामोदि, फेगौ समनि गिबि मन्थिआ पाटीदार समाजनिफ्राय जानांगौ। खडलधाम ट्रास्टनि आफादगिरि नरेश पाटेलनि बे

फोसावनाया गुजराटनि राजखान्थियारि दावराव-दावसि सोमजिहोदोंमोन। अदेबानि बिजय रुपाणीनि बिबान एग्लायनायनि उनाव गोदान गिबि मन्थि महैर बिजाथि फसंनायखौ पाटिदार भटजों सरजाबनानै नोजोर होनाय जादों। मानोना 2017 नि बिसायख'थियाव पाटिदार सोमावसारनायनि जाहोनाव बिजेपिआ गोबां जेंना जादोंमोन। अदेबानि बिजय रुपाणीनि बिबान एग्लायनायनि उनाव कंग्रेसनि मावसुमा आफादगिरि आरो पाटीदार दैदेनगिरि हार्दिक पाटेलआ दुइट

खालामनानै बुंदोंमोनदि, आरएसएसनि सिरियै खालामनाय सार्भेआव बिजेपिआ जेन्दोंमोन। बेनिखायनो बिखौ बोखारनाय जायो। नाथय बिजेपिनि बे थांखिया कंग्रेसनि सायावबो सौलोख'थिया रिसोलायहोनायखौ बांहोबाय। मानोना पाटिया हार्दिकनि सायाव गासै गोहोफोरखौ होनो थियारि खालामबाय थादोंमोन। मख'नो गोनांदि, गुजराटआव पाटीदार भट होग्राफोरनि बिबाड गासै 15 जौखोन्दो। नाथय गासै भटफोरनि बाथ्रा बुडोब्ला बेयाव पाटिदारआ

गासै 20 जौखोन्दो। पाटिदापआ माल्लाबाबो खौसे जानानै भट होया आरो बिजेपिआ बिसोरनि गिबि मोजां मोन्नाय। नाथय बिजय रुपाणी गिबि मन्थि जानायनि उनाव पाटिदारआ बिजेपिनिफ्राय जानगार जायो। बेराफासै कंग्रेसआ पाटिदारनि सायाव देरहानायनि थाखाय हार्दिक पाटेलखौ गाहाय महैर दिन्थिनो हागौमोन। बेनि गेजेरजों बिजय रुपाणीखौ बोखारनानै धुपेन्द्र पाटेलखौ गिबि मन्थि बानायनायजों खुंथायनि हेंथायै सुबुंफोर गात्रि मोन्नायाबो खम जागोन।

चीननि फुजियानआ करनानि हटस्पट, इउरपीय संघआ आमेरिकानि नोगोरारिफोरखौ होबथानो खावलायदों

बेइजिं, 13 सेप्टेम्बर: थांनाय सानआव मुलुगनाडै 3.73 लाख करनानि गोदान केस मोन्दों, 4.03 लाख बेरमिफोय रिक्तभारि जायो आरो सा 5,913 जिउ गोमायो। बे सानाव बयनिखुइबो बांसिन आमेरिकायावनो गोदान करना पजिटिभ केस मोन्दों। बेनि उनाव नैथियाव भारत, जेराव 31,374 गोदान केस मोन्दों आरो बयनिखुइबो बांसिन रासियाआव सा 788 करना बेरामिफोरा जिउ गोमादों। मुलुगआव गिबिसिनै करना भाइरास सोमजिखान्थिनाय चीन हादरनि खोला राइज्यो फुजियानआ आथिखालाव करनानि गोदान हटस्पट जादों। चीननि नेसनेल हेल्थ कमिसनआ मोनसे फिन्नायाव बुंदोंदि, फुजियानआव 20 गोदान करना पजिटिभ मोन्दों, बेनिनो सा 19 आ फुजियाननि आरो मोनसेआ क्वान्झुनि केस। बेफोर केसनि मोनसेआ लोखोन गैयै। रबिबारखालि चीनआव गासै 46 गोदान करनानि केस



थिसनजादों। गासै चीनआव सा 95,199 सुबुंफोरा करना पजिटिभ जाबाय, जायनि सा 4,636 आ जिउ गोमाबाय। बेराफासै मुलुगनि मादावनो बयनिखुइबो बांसिन करनाजों भुगिनांनया आमेरिकानि नोगोरारिफोरनि थाखाय इउरपीय हादरफोरनि दरजाया बन्द जानो हमदों। अदेबानि गोलोम बोथोरव इउरपीय आमेरिकानि दावबायारिफोरनि थाखाय गावनि दावबायग्रा जायगाफोरखौ खुलिनानै होदोंमोन। आथिखालाव

इउरपीय संघआ बुंदोंदि, आमेरिकायाव गोखैयै बांबोबाय थानाय करनानि केसखौ नोजोर होनानै बेनि नोगोरारिफोरनि गोनांथार नडै दावबायनायखौ होबथानांसिगौ। संघआ गावनि रैखाथि फारिलाइनिफ्राय आमेरिकानि मुंखौ बोखारबाय। बे खौरंनि उनाव इउरपीय हादरफोरा दावबायारिफोरखौ होबथानायखौ गोखौंसिन खालामो। बुल्गारिया, नर्वे आरो सुइडेनआ गावसिनाव आमेरिकानि नोगोरारिफोर थांनायखौ आबुडैनो होबथायो,

गौसआबो होबथानायखौ गोखौंसिन खालामो। मुलुगनाडै करना सन्देरनाय सुबुंफोरनि अन्जिमाया 22.54 कौटिनि बांसिन जाबाय। बेनि सा 20.20 कौटि बेरामिफोरा करनानिफ्राय मोजां जाबाय आरो 46.43 लाख जिउ गोमाबाय। आथिखालाव सा 1.87 कौटि बेरामिफोरा फाहामथाय लागसिनो, जायनि सा 1.03 लाख बेरामिफोरनि थासारिआ गोब्राव जानानै दड। ब्रिटेनआव 12 निफ्राय 15 बोसोरनि उन्दै गथ'फोरनि भेक्सिनआ थियारि जाबाय। ब्रिटेन सरकारआ सोलिफु सपत्ताहआवनो गथ'फोरखौ भेक्सिन थुनायनि हाबाफारिखौ फोसावगोन। हमदांनया जादोंदि, भेक्सिन थुनाय हाबाफारिआ फेगौ 22 सेप्टेम्बरनिफ्रायनो जागायनो हागौ। हादरनि देहा बिफानआ फरायसालिफोरनो बेनि खौरं हरनानै दोनखाबाय, जाहाथे बिसोरो बेनि थाखाय थियारि जानानै थायो।

सिएसकेनि गेलेगिरि फाफ डुफ्लेसिसनि जोखोम जानाया आद्रा थानाय आइपिएल 2021 मेचनि फार्से सोंथि सिखांहोदों

गोदान दिल्ली, 13 सेप्टेम्बर: आइपिएल 2021 नि नैथि खोलोबआ फैंगौ 19 सेप्टेम्बरनिफ्राय इउएइआव फिन खुंफुजागोन। सिएसकेनि गिबि बादायनाया मुम्बाइ इन्डियान्स (एमआइ) नि हेंथायाव जागोन। बेफोर बादि थासारिनि गेजेराव सिएसकेआ माखासे जेंनाजों मोगा-मोगि जानादों। टीमनि रेंगथि गोनां अपेनार फाफ डुफ्लेसिसआ जोखोम जानायजों मोगा-मोगि जानादों। बिथाडा सिपिएल 2021 नि बाहागोयारि महरें बादायनाय मेचआव जोखोम जायो।



रबिबारखालि सिपिएलनि 28 थि मेचआव सेन्ट लुसिया किंगस बेसेस रयेल्लसिनि सिगां खोला आफ्रिकानि क्रिकेटार डुफ्लेसिसआ जान्जिआव जोखोम जायो। आन्द्रे फ्लेचरआ सेन्ट लुसिया किंगसनि जानानै केप्टेननि बिबान सामलायनायाव फाफ डुफ्लेसिसनि जोखोम जानायनि सोमोन्दे आबुडै मिथिनो मोनाखै। नाथाय मेचनि सिगां टसनि समाव आन्द्रे फ्लेचरआ जान्जि जरायाव जोखोम जानायनि जाउनाव मेचआव बाहागो

लायेंनि जाहोनखौ फोरमायदोंमोन। जोखोम जानायनि सिगां मोजाडै दिन्थिफु'नाय फाफ डुफ्लेसिसआ बेनि सिगां मोनसे मेचआव 100 रान खालामनो हादोंमोन। सेन्ट लुसिया किंगसआ खेब 5 देरहानायजों सेमिफाइनालआव जायगा आवगिनो हाबाय। फाफ डुफ्लेसिसनि जोखोमआ सेन्ट लुसियानि सेमिफाइनालाव सौहैनायाव गोहोम खोख्लैदोंब्लाबो गुबुन टीमफोरनि गाञ्जियै गेलेंना जाउनाव मेचआव बाहागो

सेमिफाइनालाव सौहैनायाव जाफु'सारबाय। फाफ डुफ्लेसिसनि जोखोम जानाया इउएइआव जानाय आइपिएल 2021 नि आद्रा थानाय मेचआव बाहागो लागोन एबा लायेंनि गेजेराव सोंथि

लिखांहोदों। जान्जि जरायाव जोखोम जानायखौ फाहामथाय होनायाव गोबाव सम लायो। बेफोरबादि थासारिआव बिथाडा थाबैनो फीट जागोन एबा जायनि सोमोन्दे जेबो खौरां फोसावाखै।

सिनियर आइजो माहारियारि कचिं केम्पनि थाखाय सा 25 गेलेगिरिफोरखौ सायख'बाय

बेंगालुरु, 13 सेप्टेम्बर: हकी इन्डियाआ खुंजानो गोनां सिनियर आइजो माहारियारि कचिं केम्पनि थाखाय टकिय अलिम्पिकआव मोजाडै दिन्थिफु'नाय जायगा आवगिनाय माहारियारि हान्जानि सोद्रोमा माखासेखौ लाफानानै सा 25 गेलेगिरिफोरखौ सायख'बाय। हकी इन्डियानि बादिब्ला, कर गुपआ माहारियारि केम्पनि थाखाय भारतनिफ्राय टकिय अलिम्पिक 2020 आव बाहागो लानाय भारतयारि आइजो हकी हान्जानि सा 16 गेले गिरिफोरनि रिपर्टखौ होबाय। सा 25 गेलेगिरिफोरनि थाखोआव गगनदीप कौर, मारिया कुजुर, सुमन देबि थौडाम आरु महिमा चौधुरीमोनहाबो बाहागोदारि जानो हादों। बिथांमोनखौ जुनियरनिफ्राय सिनियर कर



गुपआव लाबोनाय जाबाय। रेंगथि गोनां लिलिमा मिन्ज, रसिमता मिन्ज, ज्यति राजबिन्दर कौर आरु मनप्रीत कौरखोबो केम्पनि थाखाय हांखायनाय जादों। सा 25 गेलेगिरिफोरनि केम्पनि थाखाय आइजो हकी हान्जानि केप्टेन रानी रामपालखौ बाहागोदारि खालामनाय जायाखै। सलिमा टेटे, लालरेमसियानि आरु सामलामोनहाबो अलिम्पिक

गोदान दिल्ली, 13 सेप्टेम्बर : भारतीय क्रिकेट टीम आरु बिसिसिआइनि थाखाय इउएइआव जानो गोनां टी-20 वाल्ड कापआ गोबां मख'जाथाव। बिसिसिआइनि सामलायनायआव जानो गोनां बे टी-20 वाल्ड कापखौ भारतीय टीमआ जेरेंखि जाया देरहानो गोसो जादों। आधिखालाव मोनथिनो मोन्याय जादोंदि, बिराट कहलीनि केप्टेननि थाखायबो बे मेगा इभेन्टआ मोनसे रोखोमै डेडलाइन बादि, मानोना बियो बेनि उनाव सिमा गोनां अभरनि केप्टेन बिबानखौ नागारनो नागिरदों। टी-20 वाल्ड काप देरहानायनि थांखिखौ बिसिसिआइया गिबिआवनो फोरमाय खांबाय। मानोना टीम इन्डियाखौ सायख'नायजों लोगोसे बिसिसिआइआ बारा' केप्टेन एमएस धनीखौबो



मेन्टरनि महराव लाफादेरदों। मानोना बिन सोलोखौ क्रिकेटखौ थाखाय मोजां मानिनानै लानाय जायो। टिअआइनि रिपर्टनि बादिब्ला,

बिराट कहलीआ सिमा गोनां अभरनि केप्टेन बिबान सामलायनायखौ एंगलायगोन। रहित शर्माया वानडे आरु टी-20 नि केप्टेन बिबानखौ मोनो हागौ। केप्टेन बिबान

सामलायनायआ बिराट कहलीनि बेटिं खालामनायखौ गोहोम खोख्लैदों। बेनि जाहोनाव बिराट कहलीआ हवाइट बल क्रिकेटआव रहित शर्माजों लोगोसे बिबानखौ सामलायदों। बिराट कहलीआ 2017 नि आइसिसि सेम्पियन ट्रफीया टीमनि केप्टेन बिबानखौ सामलायदोंमन, जे राल फाइनालाव भारतआ जेन्दोंमोन। 2019 नि वानडे वाल्ड कापनि सेमिफाइनालाव भारतआ जेन्दोंमोन, जेराव बे बोसोराव जानाय वाल्ड टेस्ट सेम्पियनसिपनि फाइनालावबो भारतआ बिन केप्टेन बिबान सामलायनायआव देरहानो हायाखै।

बाकसानि सुबनखाटायाव उदांश्री काप प्राइजमानि फुटबल बादायलायनाय

बजाली एकाडेमिनि हेंथायै कबिरालि एफसिआ 5-1 गलाव देरहासार



बाकसा, 13 सेप्टेम्बर: बाकसा जिल्लानि भारत-भुटान सिमानि सुबनखाटा गोजौ फरायसालिनि गेलेग्रा फोथराव थांनाय 10 सेप्टेम्बरनिफ्राय नर्थ इस्ट क्लाब, सुबनखाटानि बानजाइनायाव सोलिबाय थानाय उदांश्री काप प्राइजमानि भुटबल बादायलायनायनि दिनेनि बाथि मेचखौ कबिरालि एफसिआ 24 नं आइ आर बि एन, सराइमारिनि गेजेराव गोबां नारा नाथा जुजिलायनायखौ नुनो मोन्याय जादोंमोन। बेनारा-नाथा जुजिलायनायनि गेजेरावनो

गिबि हाफआव कबिरालि एफसिआ 24 नं आइ आर बि एनखौ से गल सोनानै हानजाखौ देरहानाय फरसे दावगाहोयो। बबेखानि बेनि लोगो लोगो 24 नं आइ आर बि एन, सराइमारिया से गलखौ सुखनायनि जाहोनाव गिबि हाफआव मेचआ इयैनो थुंगे

दोंमोनब्लाबो नैथि हाफआव कबिरालिया 4 गलाव देरहानानै उननि राउण्डआव हाबहैनो हायो। म' ग ल ब अ र ख ा ि ल बादायलायनायनि मेचखौ बडइगाव नाइन बुलेट आरु बजाली एकाडेमिनि गेजेराव गेलेनाय जागोन।

फैगौ 17 सेप्टेम्बरआव गल्ड मेडेलिस्ट निराज चप्रा आरु हकीनि गलकिपार श्रीजेशखौ केबिसि एपिसडआव नुगोन



गोदान दिल्ली, 13 सेप्टेम्बर: टकिय अलिम्पिकआव गल्ड मेडेल देरहानाय भारतयारि जेभलिन खुबैग्रा निराज चप्रा आरु हौवा हकी हान्जानि गल किपार फिआर श्रीजेशआ मुंदांखा टिभि श्व' कौन बनेगा करडुपतिआव सौहैगोन। बे श्व'नि मोनसे प्रम'आ सोडाव फेदों, जायखौ सनी टिभिआ गावनि इनस्टाग्रामआव शेयार कालामदों। ससेल मिडियाआव सोलिनाय प्रमसनआव बिसोर सानै गेलेगिरिफोरनि सेटआव फेनाय लोगो लोगो हस्ट अमिताभ बच्चनखौ जोबोरैनो रंजानाय नुदों आरु बिथाडा हिन्दुस्तान जिन्दाबाद स्लगाव

होदों। सनी टिभिआ गावनि अफिसियेल इनस्टाग्राम पेजआव बिसोर फेनो गोनां श्व'नि मोनसे प्रम' शेयार खालामदों आरु केपसनआव हादरनि मुं लाखिनाय टकिय अलिम्पिकनि गल्ड मेडेलिस्ट निराज चप्रा आरु फिआरआ केबिसि 13 नि स्टेजआव फेगोननि फार्से फोरमायनानै बिसोरनि बुजिनाय आरु अलिम्पिकनि सोमोन्दे मोन्दानायखौ खोनासंनानै लानो खावलायो। प्रम' भिडिआव निराज चप्राया गावनि आखाइखौ दैखानानै नायगिरिफोरनिसिम हामलायथि हरनानै श्व'आव सौहैनायखौ नुनो मोन्दों।

इउएस अपेन: नभाक जकभिचनि 21 थि ग्रेन्डस्लेम बिमुं देरहानायनि मिजिडा फेलें जाबाय



गोदान दिल्ली, 13 सेप्टेम्बर: नभाक जकभिचआ इउएस अपेननि मेन्स सिंगेल्सनि फाइनालाव जेन्नायजों मोगा-मोगि जानाबाय। नैथि रेंकिनि रासियानि गेलेगिरि डेनिल मेदबेदेबनि हेंथायै जेन्नायजों मोगा-मोगि जानाय जकभिचनि 21 थि ग्रेन्डस्लेम बिमुं देरहानायनि सिमाडा फेलें जानाबाय। सोलिफु बोसोरनि अस्ट्रेलियान अपेन, फ्रेंस अपेन आरु उइम्बल्डननि बिमुं देरहानाय जकभिचखौ फेजेन्नानै डेनिल मेदबेदेबआ गिबि ग्रेन्डस्लेम बिमुं देरहानो हादों। मेदबेदेबआ जकभिचखौ 6-4, 6-4, 6-4 पइन्टनि फारागथियाव फेजेन्नो हादों। 25 बोसोरनि मेदबेदेबआ 2019 आव बे दुनामैन्टनि फाइनालाव गिबियै सौहैनो हादोंमोनब्लाबो स्पेननि राफेल नाडालनि हेंथायै

जेन्नायजों मोगा-मोगि जानादोंमोन। नाथाय सोलिफु बोसोरनि दुनामैन्टआव बिथाडा मोनबो गोरोन्थि गेलेयालासे साफ्रोमबो हेंथा गेलेगिरिफोरनि गोरोन्थिनि खाबु लानानै फाइनालाव सौफेनो हायो आरु फाइनाल मेचआव जकभिचखौ फेजेन्नो हानानै बिमुं देरहानो हायो। जकभिचआ 1969 नि उनाव केलेन्डरनि ग्रेन्डस्लेम देरहानो हानाय गेलेगिरि जानो थाखाय मोनसे मेचनि फारागथियावनो गावनि सिमांखौ खोमानांबाय। राड लिबारआ 52 बोसोरनि सिगां बोसोरनि गासैबो (मोनब्रे ग्रेन्डस्लेम) ग्रेन्डस्लेम देरहानायनि रेकर्ड लाखिदोंमोन। स्टेफि ग्राफआ 1988 आव बेबादि रेकर्ड लाखिनो हानाय आइजो गेलेगिरिमोन। लिबारआ 1962 आवबो बेबादि रेकर्ड लाखिनो हादोंमोन।

झाइभार वाल्ड सेम्पियनसिप आव हेमिल्टन आरु भार्सटापेननि गारिया जाब्रबथाय जानायाव डेनियेल रिकियार्डआ देरहादों



मन्जा, 13 सेप्टेम्बर : ड्वाइबार वाल्ड सेम्पियनसिपनि गिबि रेंकिंआव थाबाय थांनाय रेडबुलनि मेक्स भार्सटापेन आरु मासिडिसनि डिफेन्टि सेम्पियन लुइस हेमिल्टन इटालियाव ग्रेन्ड फ्रिक्सआव जाब्रबथायजों मोगा मोगि जानादों। बादायलायनायाव गारिनि जाब्रबथायजों मोगा

मोगि जानायनि उनाव हेमिल्टन आरु भार्सटापेनआ गारिनिफ्राय ओंखारनायनि उनाव मेचनिफ्राय जागार जानायाव मेकलारनि ड्वाइभार डेनियेल रिकियार्डआ देरहासारनायखौ मोनो हादों। हेमिल्टन जेब्ला ट्रेकआव मासिटापेननि सिगाडाव फेयोब्ला रेसनि

टार्नि पइन्टआ 26 लेपआव फेदोंमोन। भार्सटापेना टार्नि आव सिडाव फेनो नाजानाय समाव 7 खेब सेम्पियन जानाय हेमिलन्टना सिल्फ जानायनिफ्राय रैखा खालामनो नाजानायाव सानैनिबो गारिया थोंजोडै मोगा मोगि जायो आरु जाब्रबथाय गोग्लैयो। गारिनि काकपिटआव

रैखाथिनि थाखाय बानायनाय रिनि थाखाय हेमिल्टन आरु भार्सटापेना गोब्राबै जोखोम जानायनिफ्राय रैखा मोनो। राजा जॉनायजों भासेटापेना टीम रेडियनिसिम जायगाखौ हगारलायाब्लानो बेबादिनो जाब्रबथाय गोग्लै होन्ना बुंदों। मनाक'आव जानाय बादायनायाव 2018 नि उननिफ्राय रिकियार्डआ गिबि देरहासारनायखौ मोनो हाबाय। बिथाडा टीमनि लेन्ड नौरिनिफ्राय 1.747 सेकेन्ड आरु वालटेरि बटासनिफ्राय 4.921 सेकेन्डनि आवगायाव थानो हादों। बटासआ गोदान इन्जिननि थाखाय जुरिमाना नांनयनि उनाव गिडआ उनिसिन सारिनिफ्राय जागायनानै फिन मोजाडै दिन्थिफुनो हादों।